

सानसेयारि "बड'सा" खीरालाइयाव  
समाजयारि जिज्जो लोब्बा थानाय रायथाय, रन्थाय,  
सल', सल'बाथा आरो दावबायारि थावनि, पार्क  
बाइदिनि सायाव लिन्नाय लिन्दिबां दैथाय हर'  
सानसेयारि "बड'सा" खीरालाइया खेबरानाबे  
फोसावगोव।  
बड'सायाव लिन्नायनि हुबा खालाम,  
"बड'सा" खी नोथां, जो बयबो आंगो खालाम।

सानसेयारि बड'सा मावखुनि  
माइबं नोगोर, जोहोलाव दैमालु लामा  
कक्राझार, विटिसि-783370  
Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Monday ★ 25 October, 2021 Kokrajhar, BTC, Assam ★ Vol.- 31, Issue No. 208 ★ R.N.I.Regd.No.40994/91, AssamGovt.Regd.No.IPRD.40/2006/13,★Rs.8/-

गसाइगावआव  
बिसायख 'थिनि  
सिगां दोलो  
सोलायनायनि दोहौ

गसाइगाव, 24 अक्टबर: 28  
नं गसाइगाव बिधान सभा  
बियाबनि उफ्रा बिसायख 'थिया  
खुं जानो साननै सोल' सान  
थानायनि गेजेरावनो दिने  
गसाइगावआव गोबां बिबानि  
सुबुफोर गुबुन दोलोनिक्राय इड  
पि पि एल दोलोआव हाबहैयो।  
महकुमानि भमराबिल हाथायनि  
साखाथियाथ थानाय राइज्योयारि  
अडिटरियाम हलाव दिने बेलासि  
समाव खुं फुं नाय बराय  
हाबाफारियाव बि टि सिनि  
मावफुं सोद्रोमा उइलसन  
हासदनि अनगायैबो ओन्सोलनि  
समाज सिबियारि माजित  
बसुमतरा, इड पि पि एल  
दोलोनि बाडय सुबुं सानखो  
सेलनि मिरु गाहाय नेहाथारि  
(□ 5 बिलाइआव)

भवानिपुरनि मोनै बिसायख 'थि फोसावदिं सुबुं गौमायाव बाहागो लादों गिबि मन्थिआ

## जोहा गोबां साहस दं, फैगौ 5 बोसोराव आसामाव जों नुनो मोनै गोबां बाथा नुनो मोनगोन: ड० हिमन्त बिश्व शर्मा

भवानिपुर, 24 अक्टबर: उफ्रा  
बिसायख 'थि खुं जानो गोनां  
राइज्योनि दर 5 बिधान सभा  
बियाबआव बिजेपि दैदेनाय  
जुथाय हान्जाया गोखों थारे  
बिसायख 'थि फोसावदिनाय  
हाबाफारि लादों। राइज्योनि  
गिबि मन्थि ड० हिमन्त बिश्व  
शर्माआ दरफ्रोमबो  
बियाबआवनो जुथाय दोलोनि  
बिजाथिखौ देरहाहोनी  
मोनफ्रोमबो बिसायख 'थि  
फोसावदिनाय मेलयाव गोदान-  
गोदान बिथांखि आरो  
जौगाथायनि बाथा बुबोदों।



आसामआव हरियारि  
गोहोफोर खर' देखाबोदों। जों  
बजाली जिल्लानिक्राय आफां  
आसामनि हा-बिथा खोमानादों।  
हरियारि गोहोफोरनि हाबफैनाय  
गोसो सान्नायाव जों सत्रनि हा,  
जोनि सिनायथि खोमानांनो  
थांगासिनो दं। -आसामनि  
गिबि मन्थि ड० हिमन्त बिश्व  
शर्माआ बिजेपि जुथाय दोलोनि  
बिजाथि फनिधर तालुकदारनि  
हेफाजाबाव दिने भवानिपुरनि  
ताफा गोजौ फरायसालि गेलेग्रा  
फोथाराव खुं जानाय गेदेरथार  
(□ 5 बिलाइआव)

बगिबिलनि थांखिनाय कार्ग तार्मिनेल  
आरो दावबाय थावनिखौ नायगिदिंफैदों  
मिरु मन्थि सर्बानन्द सनवालआ

डिबुगड, 24 अक्टबर: मिरु  
गाथोन, जाहाज हान्था-मेल, दै  
लामा मन्थि आरो मिरु आयुष  
मन्थि सर्बानन्द सनवालआ दिने  
डिबुगडनि बगिबिलनि साखाथि  
खोला फारसेथिं जायगाखौ  
नायसदों, लोगोसेनो बेयाव  
थांखिलाइ लानाय कार्ग तार्मिनेल  
आरो दावबायारि गाथोननि  
बिथांखिसालिजों सोमोन्दो  
थानाय गुबुन गुबुन  
आयदाफोरखौ मिथिनानै लादों।  
नायसनाय समाव मिरु मन्थि  
सर्बानन्द सनवालआ बुंदोंदि,  
मोनसे समाव डिबुगडआ  
भारतनि मानसावगारियाव मोनसे  
गोनांथार दैमा गाथोन महरै  
मुंदांखा जादोंमोन। बे



ओन्सोलनि महनाघातनिक्राय  
जायगायारि महरै दिहुनाय गुबुन  
गुबुन मुवा-बेसादफोरखौ  
ब्रह्मपुत्रनि जोहै बंग' लैथोनि  
गेजेरजों हादत-गुबुन हादतनि  
गुबुन गुबुन जायगासिम

भवानिपुर बियाबनि गाति  
दखरा फरायसा  
आफादिनि आफादिगिरि-  
नेहाथारिजों लोगोसे सा  
10 दैदेनगिरिफोरा  
बिबान नागारदों

भवानिपुर, 24 अक्टबर:  
भवानिपुर बिधान सभा बियाबाव  
उफ्रा बिसायख 'थिनि दोहौआ  
सोलिफुबाय थानाय समनि  
गेजेरावनो बियाबनि सिडव  
थानाय गाति दखरा फरायसा  
आफादिनि आफादिगिरि, गाहाय  
नेहाथारिजों लोगोसे सा 10  
दैदेनगिरिफोरा बिबान नागारनाया  
साननो गोनां आयदा जानानै  
फैदों। मख'नो गोनांदि गाति  
दखरा फरायसा आफादिनि  
(□ 5 बिलाइआव)

बर' राव, थुनलाइ, हरिसु, आसार-खान्थि संरैखाथिनि सायाव सावराय मेल  
गोदानथिजों आगान सुरफानो लानायाव गोमालांनो  
हमदों बर' समाजनि सोलिबोनाय खान्थिफोरा

सालबारिआव आसाम बिधान सभानि बुंथिगिरि बिश्वजित दैमारीआ दावबायहैदों  
सालबारि, 24 अक्टबर: "बर'  
हरियारि राव, थुनलाइ, हरिसु,  
धोरम-खान्थि, आसार-  
खान्थिफोरखौ बर' समाजजों  
लोगोसे गुबुन गुबुन बिथिडव  
फोथानानै लाखिनांगोन। बर'  
हरियारि समाजनि आसार-  
खान्थि, हरिसुफोर, राव,  
थुनलाइनि मोनसे गोथां जारिमिन  
दं। मुलुग नाडैनो बर' हरियारि  
राव, थुनलाइ, हरिसु, आसार-  
खान्थिफोरखौ गायसन्नो बर'  
हरिया नाजानांगोन। बर' हरिखौ  
फोथानानै लाखिदों बर' हरिनि



राव, थुनलाइ, हरिसु, धोरम  
आरो आसार-खान्थिआ।" बे

बाथाखौ बुजे आसाम बिधान  
सभानि मासिगिरि बिश्वजित  
दैमारीआ। दिने सालबारि  
फरायसालिमायाव आसाम  
बिधान सभानि मासिगिरि  
बिभ्वजित दैमारीनि  
(□ 5 बिलाइआव)

बि टि सि रैखाथिनि सार्थआव बि  
पि एफनो भट होनांगौ: हाग्रामा



गसाइगाव, 24 अक्टबर: बिटिआरआव प्रमद बर'नि सरकार  
दैदेनायनि उनाव मोनै हाथियार लाग्रा आफाद जोनोम जादों।  
बिपिएफनि 17 बोसोर खुंथाय समाव बिटिसिआव मोनसेबो  
उतखारि आफाद जोनोम जायाखैमोन। बे बायदि बिबुंथिखौ  
बिपिएफनि आफादिगिरि आरो बिटिसिनि बारग' गाहाय मावफुं  
सोद्रोमा हाग्रामा महिलारीआ होदों। 28 नं. गसाइगाव बियाबनि  
सिडव थानाय हावरीयापेटआव बिपिएफनि सायख 'जानाय बिजाथि  
धुब कुमार नाजरीनि जानानै दिने (□ 5 बिलाइआव)

गुवाहाटी, 24 अक्टबर:  
राइज्योनि राज थावनि नोगोर  
गुवाहाटीआव थानाय राज  
भवनआव दिने मुंदांखा कर्भा  
सउत फोर्बोखौ गाव गोनाडै  
फालिनाय जादों। आसामनि  
गिबि लेडि प्रेम मुखिजों लोगोसे  
गुबुन गुबुन बिथिनिफ्राय गोबां  
आइजोफोरा बे फोर्बोयाव  
बाहागो लानानै हाबाफारिखौ  
गाव गोनाडै जाफुंसार होदों।  
बे कर्भा सउत फोर्बो  
फालिनायनि अनगायै गावनि  
बिबुंथि लाखिनाय समाव  
राइज्योनि गिबि लेडि प्रेम  
मुखिआ बे फोर्बोआव गुबुन  
आइजोफोरजों लोगोसे बाहागो  
लाफानो मोनानै गोजोनाय  
फोरमायो। बिथाड बुंबावोदि,  
आइजोफोरा समायना, अनुसुलि,



सहायसुलि, धोरम सिबिसुलि  
बे हिसाबै गासैबो बिथिडववो  
आइजो माहारिया खामानि

मावनो हायो। सोलौंथायावनो  
जा, राजखान्थिथायवनो जा,  
गेलेमुयावनो जा, फालांगियावनो  
(□ 5 बिलाइआव)

बड'लेन्ड शिल्क पार्कखौ नायगिदिंफैदों  
मिरु सरकारनि सानै मावख 'गिरिफोरा

कक्राझार, 24 अक्टबर:  
भारत सरकारनि टेक्सटाइल  
बिफाननि सानै गोजौ थाखोनि  
मावख 'गिरिफोरा बिटिआर  
हालामनि दाब-दाब  
ओन्सोलफोराव थानाय शिल्क  
पार्कफोराव दावबायनायजों  
लोगोसे कक्राझारनि  
आदाबारियाव थानाय बड'लेन्ड  
शिल्क पार्क आवबो  
नायगिदिंफैदों। भारत सरकारनि  
टेक्सटाइल बिफाननि फोनांजाव  
नेहाथारि सन्जय चरन आरो  
शिल्क बर्ड बेंगालरनि सोद्रोमा  
नेहाथारि आर आर  
अकान्दियारमोनहा सानथामनि



हाबाफारि लानानै आसामनि  
बिटिआरआव दावबायफैदों।  
दिने बिथामोनहा भारत सरकारनि  
टेक्सटाइल बिफाननिक्राय  
गोबांथार बान्था मोनखानो हानाय  
आरो हादतनि गाहाय  
मन्थिनिफ्राय बान्था मोनखानो  
हानाय लोगोसे मोजॉ रोखोमनि  
शिल्क फार्म आबाद मावनानै  
(□ 5 बिलाइआव)

लाबदांगुरिआव फेग्रा  
मुवानि गात्रि  
गोहोमनि सायाव  
सांग्राथियारि मेल



बासुगाव, 24 अक्टबर: फेग्रा  
मुवानि गात्रि गोहोमनि सायाव  
लाबदांगुरि गाथियाव दिने मोनसे  
सांग्राथियारि मेल खुंफुंलाडो।  
लाबदांगुरि गाथि सामब्लायथाय  
(□ 5 बिलाइआव)

बाक्सआव हाग्रानि मैदेर आरो सुबुनि गेजेराव  
मोगा-मोगि जानाया सोलिगासिनो दड'  
हाग्रानि मैदेर फालोआ गोबां बिधा  
माय आबाद खहा खालामलांदों

मुसलपुर, 24 अक्टबर: बाक्स  
जिल्लानि मुसलपुर महकुमायाव  
हाग्रानि मैदेरनि उतखारा  
सोलिगासिनो दड'। हरफ्रोमबो  
उन्दुनाय गैया लासेनो हरखौ  
बारहोनांदों बाक्सानि माखासे  
गाथिनि राइजो-राजाफोर। सानफ्रोमबो फालो-फालो हाग्रानि मैदेर  
हाग्रानिक्राय आदार नागिरनानै ऑखारबोना सुबुं मैखोम ओन्सोलाव  
हाबफेना उदखार खालामफैदों। जिल्लानि गुबुन गुबुन जायगायाव  
सानफ्रोमबो हाबफैनागै गोबां  
(□ 5 बिलाइआव)



चिराडाव फरायसालि नागारनाय  
फरायसा आरो मुं थिसनफैरफोरनि थाखाय  
जर'खा सोलौंथाय मिरु बेखेवदों



काजलगाव, 24 अक्टबर: चिरां जिल्लानि बेंगिरि नरेन्द्र कुमार  
साहआ दिने जिल्लानि सिदली सार्केल बेंखनयाव थानाय भारत-  
भुयन सिमना ओन्सोल फुलबारि गाथियाव गोलेसोनाय ओन्सोलनि  
फरायसालि नागारनाय फरायसाफोर आरो फरायसालियाव मुं  
थिसनफैरफोरखौ सोलौंथाय होनो थाखाय गंसे जर'खा सोलौंथाय  
मिरु बेखेवदों। दासिम बे मिरुआव गासै सा 57 फरायसाफोर  
सोलौंथाय लानायनि मिजिजों मुं थिसनबाय। बेबायदिनो चिरां  
जिल्लानि दाब-दाब ओन्सोलफोराव (□ 5 बिलाइआव)

नुमलिगडआव मैदेर आरो सुबुंफोरनि  
गेजेराव दावहाया सोलिगासिनो दड'

आबाद फोथाराव मोब्लिबजों  
बोजानानै मासे मैदेर थैदों

गुवाहाटी, 24 अक्टबर: नुमलिगडनि गुबुन गुबुन जायगायाव  
सानफ्रोमबो सोलिगासिनो दं हाग्रानि मैदेर आरो सुबुंफोरनि गेजेराव  
गिखंथाव मोगा-मोगिनि जाथाया। बेबायदि समनि गेजेरावनो मरडि  
दलागावनि आबाद फोथारनि गेजेराव मोब्लिबजों बोजानानै मासे  
मैदेरनि जिउ गोमायो। ओन्सोलाव सानफ्रोमबो आदार नागिरनानै  
हाग्रानिक्राय ऑखार बोनाय मा (□ 5 बिलाइआव)

## सुजुगिरिनि खोलोम

### फेग्रा मुवा आरु इयुन हाब्जा

समाजाव सोरबाया गात्रि मुवा फानानै मुलाम्पा आर्जिदों आरो सोरबाया बे गात्रि मुवाखौनो बायनानै जिउनि हान्थिनायखौ अबथिरायै गुसु खालामनानै लानादों। बे रोखोमनि जाथायफोर गुबुन समाजाव जैरै खैफोद गोनां महैरै गोसारनो लादों बिबिन्दो जौनि समाजावबो बे रोखोमनि गात्रि मुवाया सानफा एफा गोसारनानै गोबांखौनो बेनि बोलि जानानायबो नुनो मोन्नाय जायो। समाजनिफ्राय बेनि फार्सें गोखों नोजोरै राहा लानायखौ नुनो मोनाब्बाबो खुंथायखौनो बेनि हेंथायै गोखों राहा लानायखौ नुनो मोन्नाय जादों। खुंथाया गोखों आखाइजों दबथायनो लानायनि जाउनावनो फेग्रा मुवानि फालांगिखौ एसे बाडय जाबोनायबो नुनो मोन्नाय जादों।

फेग्रा मुवा एबा ड्रगस जानाय बाइदि गात्रि आरो गिथाव-बाथाव हुदाखौ जौनि माखासे गोलैफोराबो बोजबनानै गोबाडनो नागारनो हायै जाना खायफाया अबथिरा जिउ गोमा नांगसिनो आरो खायफाया नख 'रखौ' गोजोन गैयै थासारियाव खोखैनायबो नुनो मोनो। टाउन सहरनिल' बाभ्रा नड, गामि सिंनि गथ'-गथायफोराबो बे गात्रि आखुखौ बोजबनानै लानो हाया बेनि सायाव नोजोर लाखिनांगोन। बिसोरनि गेजेराव गोरों-गोरा, समाजनि मान गोनां सुबुंफोरनि नख 'रनि गथ'फोरबो थानाय नुनो मोनो। जौनि हादतसानि एबा बिटिआर. हालामनि राइजो-राजाफोरनि गेजेराव सांग्रांथि नुनो मोना। फेग्रा मुवा, जैरै- गान्जा, डेनड्राइट आथा, जौखौ हाथाय बाजारफोराव गोलैयैनो मोनफुडो, बेखायनो गथ'-गथ' संग्रासाफोरनो बेफोर मुवाखौ बाहायनानै नागारनो हायै जालांबाय। जौखौ हाथाय-बाजाराव लांदाइफान्नाय हुदाखौबो जौनि समाजनि सुबुंफोरा दासिमबो नागारनो हाया जाबाय। फरायसा गथ'फोराबो हाथाय-बाजाराव फान्नाय जौखौनो लौनो सोलौंबाय, उनाव लोंग्रा हुदायाबो बांलांबाय। मुलिन गलाफोरवबो बायब्लानो मोन्नाय फेग्रा मुलि करेक्स, दखानाव मोन्नाय डेनड्राइट आथाखौ बायनानै गथ'-गथ'फ्रा बाहायनायखौ खोनानो मोनसोगारो।

सुबुं समाजा गोलैफोरखौ बे बाइदि गात्रि हुदानिफ्राय रैखा खालामनानयनि माबाफोर राहा लादों ना? नुनाय बाइदियै जौनि समाजाव बे बाइदि गात्रि आखुफोरखौ गोलै गथ'साफोरा नागारो बेनि जेबो राहा लानायखौ नुवाखै। जौनि समाजाव गोखों समाजारि आफाद दं होना बुब्ला एबसुखौनो बुंनइ जागोन। एबसुवा गोसो जायोब्ला फरायसा गथ'फोरनि गात्रि आखुखौ नागारहोनानयनि राहाखो लानो हागौ। एबसुनि अनगायै गुबुन समाजारि आफादफोरा बेनि राहाखौ गोखोडै लानो हायाबो जानो हागौ। समाजनि दैदेनगिरि मेलेम गोनां सुबुंफोरा समाजनि गोलैफोरनि गहाम इयुनि थाखाय गोथैयै साननो गोनां जाबाय।

## कंग्रेसआ हादतनाडै 14-29 नभेम्बरसिम सोमावसारनायनि हाबाफारि फोसावदों

गोदान दिल्ली, 24 अक्टूबर: कंग्रेस पार्टीआ पेट्रल आरो डिजेलनि बेसेनफोरा फारियेनो बांबाय थानायनि हेंथायै 14 नभेम्बरनिफ्राय 29 नभेम्बरसिम हादतनाडै गिदिर सोमावसारनाय हाबाफारि लागोन। कंग्रेसनि गहाय नेहाथारि केशो वेणुगपालआ बे खौरंखौ मिथिहोदों। बे हेंथा सोमावसारनाय हाबाफारियाव कंग्रेसनि दैदेनगिरिफोरा गावबा-गावनि ओन्सोलाव लामा-लामा हान्जा सुरनायबो जागोन। फार्सेंथि कंग्रेसनि गागि दैदेनगिरि पि. चिदम्बरमआ पेट्रल-डिजेलनि बेसेनआ फारियेनो बांभोबाय थानायखौ लानानै मिरु सरकारनि सायाव गगलोबनाय रावजों बुडोदि,



भारतीय रिजार्भ बैंकनि सुबरन बादियै कारफोरखौ खमायनांसिगौ। बागं रांखान्थि मन्थि पि, चिदम्बरमआ शनिबाराव चेन्नाइन मोनसे हाबाफारियाव बुंदोंदि, पेट्रल-डिजेलनि बेसेनफोरखौ बांभोबाय थानाय सरकारनि लाभ जानाय। बेनिखायनो आरबिआइया बुंदों पाम्पफोरनि बेसेना टेक्सेसननि थाखाय गुन

## स्पुतनिक-भि भेक्स्मिन थुजानाय सुबुंफोरनाव HIV नि जेंना नुजादों

नामिबिया, 24 अक्टूबर: नामिबियाआ रशियानि करना भेक्स्मिन स्पुतनिक-भिनि बाहायनायखौ होबथादों। बे हादतनि सावस्त्रि मावख'आ शनिबाराव बे होबथानायनि खौरंखौ होदों। मख'जाथावदि, बावैसो सिगानि सानाव न'सुसे हादत खोला आफ्रिकाया स्पुतनिक-भि करना भेक्स्मिनखौ लानानै जिंगा सिनाय फोरमायदोंमोन जायनि उनाव नामिभियाआवबो बे भेक्स्मिननि बाहायनायखौ होबथायो। खौरंनि बादिब्ला स्पुतनिक-भि भेक्स्मिन थुजानाय हौवा सुबुंफोरनाव HIV बेराम जानायनि जेंनाया गोबां गुन बांबोदों। स्पुतनिक-भि भेक्स्मिनखौ जौगाखांहोनाय जामेलिया रिसाचं इन्सटिटुटआ



बे थांखिखौ गोजोन्नाय मोनै फोरमायदों। बे फसंथाना बुंदोंदि, नामिबियानि थांखि लानाया बिगियानारि फोरमान एबा सार्थिनि सायाव बिथा खालामनाय नड। खोला आफ्रिकानि नेमखांथि दाना होग्रा SAHPRA आ थांखि लादोंदि, बेयो गावनि हादतआव स्पुतनिक-भि भेक्स्मिनखौ इमारजेन्सियाव बाहायनो थाखायबो गनायथि होनाय नडा। माखासे संदानायफोराव बेखौ मिथिनो मोन्दोंदि, स्पुतनिक-भि भेक्स्मिनखौ इमारजेन्सियाव बाहायनो गनायथि होनाय जादोंमोन।

## राजस्तान-छत्तीसगराव बिजेपिआ गावसोरनि खुंथाय लाबोफिनायनि गोखों हाबा मावनायखौ जागायबाय

गोदान दिल्ली, 24 अक्टूबर: राजस्तान आरो छत्तीसगरनि बिधानसभा बिसायख'थिखौ नोजोर खालामनानै बिजेपिआ कंग्रेसनिफ्राय मासिखौ सेखनायनि राजखान्थि खालामनायखौ जागायबाय। 2018 नि बिधानसभा बिसायख'थियाव बिजेपि दोलोया बेफोर दरनै राइज्योनिफ्राय गावसोरनि गोहोखौ खोमानां दोंमोन। आथिखालाव बिजेपि दोलोया बेफोर दरनै राइज्योनि ग्रासरुट लेभेलाव हाबा मावनायखौ जागायजेनबाय। दोलोनि गहाय दैदेनगिरिफोरनि गेजेराव सोलायनायनि अनगायै बिजेपिआ राइज्योनि गेजेराव समान मोन्थायनि सायाव गोनांथिसिन खालामदों। छत्तीसगर आरो राजस्तान राइज्योखौ बिजेपिनि गहाय



राइज्यो मानिनाय जायो। बेफोर दरनै राइज्योआव बिजेपि आरो कंग्रेसनि गेजेराव थोंजोडै बिसायख'थि गेलेनाय जायो। छत्तीसगराव बिजेपिआ थानाय बिसायख'थियाव 15 बोसोरनि उनाव जेनना फैदों। बिजेपि दोलोया आथिखालाव बेफोर दरनै राइज्योखौ गावसोरनि गोहोयाव लाबोफिन्नो

## सेटेलाइट फननि हेफाजाबै सिनायमोनै पाकिस्तानी सुबुंजों रायज्जायनाय हमनो मोन्दों

गोदान दिल्ली, 24 अक्टूबर: राजस्ताननि जैसेलमार सिमनानिफ्राय सेटेलाइट फननि गेजेरजों पाकिस्तानआव रायज्जायहनायनि खौरं मोन्नायनि उनाव भारतयारि सान्थिफोरा सांग्रांथि फोसावदों। सावरयज्जायनाया गाहायै जैसेलमार सिमनानि नांजाबनाय पछिना गामिनिफ्राय जादोंमोन। बे गामिआ पाकिस्तान सिमनानिफ्राय 5 कि:मि: जान्थायाव दड। इसिडरि खौरं मोन्नायनि उनाव रायज्जायहरग्रा सुबुंजों हमनायनि थांखिजों बिएसएफ आरो रैखांथि एजेन्सिपोरा नागिरसंनाय अपारेसन खालामदोंब्लाबो दायनिगिरिको हमनायाव फेलें जादों। सुलुनि बादिब्ला, लकेसनखौ भारतनि राजा लामायाव मोन्नाय जादोंमोन। बिएसएफआ पछिना पन्चायत मावख'जों लोगोसे कारए आरो बिनजरजनि तला गामिनि सुबुंफोरजों सौनाय-फिन्यायाव गामिनि सुबुंफोरा सिमना बारनायआव सोमोन्दोयारि नख'र गैथैनि बाभ्राखौ फोरमायो। फोथायनानै लानाय जादोंदि, गोजां बोथोर जागायनायजों लोगोसे आरबनि शिखफोरा पाकिस्तानआव थाफैयो आरो मैहुरनि थाखाय भारत-पाकिस्तान सिमनायाव गिदिफैयो आरो बिसोरनो बांसिने सेटेलाइट फन बाहायो।

## दिनेनि फान्जामुधि

**राशि बाइदियै मुंनि गिबि हांखो**  
 मेष : अ ल बृष : ऊ ब (उ ए इ) मिथुन : क छ (ड ङ)  
 कर्कट : ड ह सिंह : म ट कन्या : प ट (ण ष)  
 तुला : त र वृश्चिक : ब न धनु : ध भ (ड फ)  
 मकर : ख ज कुम्भ : ग श (स) मीन : द च (ख ज झ)

- मेष:** माबा मोनसे मुवा हरिन जानो हागौ। गोसोखौ सान्थि मोन्नाय नडा।
- बृष:** मोजां मोन्नायनि गहाम सम। दौलेंखौ गोरा खालामनानै लानो हागोन।
- मिथुन:** माबाफोर बेरामाव गोलैबायनो हागौ। देहाखौ सांग्राडै लाखिनांगोन।
- कर्कट:** बायदिसिनानि खाबु-खाला मोन्नायनि आसा दं। नाजानांगोन। मोजां सम।
- सिंह:** दिने समखौ गोजोनै बार होनो हागोन। गोसोखौ गोजोन मोनगोन। फारफ्रोमथिबो मोजां।
- कन्या:** सोरजोबा बायदिसिना होनानै बांसाव जानो हागौ। गोसो हमथानानै थानांगोन।
- तुला:** सानाय-सुनायफोर बेराम दंला सिखांनो हागौ। देहाखौ सांग्रां लानांगोन।
- वृश्चिक:** जेखि जाया गोसो होनानै मावोब्ला जाफुंनो हागौ। मोजां दिन।
- धनु:** माबाफोर थांखिफोर दंला जाफुंनो हागौ। गोसोखौ गोजोन्नाय मोनगोन।
- मकर:** गोसोआव गिनाय-संखिनाय जानो हागौ। गोसोखौ लोरबां खालामनो नाड।
- कुम्भ:** सुवा जानाय खामानिफोर मावपलांबायनो हागौ। गोसो हमथानानै सोलिनांगोन।
- मीन:** जेखि जाया खामानिवायनो थुलुंगा होनो हागोन। गोजोन्नायखौ मोनगोन।

## मिरु सरकारआ गं 157 मेडिकल कलेज गनायथिनि थाखाय 17,961 कौटि रं थिसन्थाय होबाय

गोदान दिल्ली, 24 अक्टूबर: मेडिकल कलेजफोरनि थाखाय मिरु सरकारनि फारसे लान्थियै हाबाफारिया सोलिगसिनो दड। आथिखालाव मिरु सरकारआ बुंदोंदि, 2014 निफ्राय दासिमाव गासै 17,691 कौटि मेडिकल कलेजफोरखौ गनायथि होबाय आरो बे बिथांखिफोराव गासै 17,691.08 कौटि रंखौ इन्भेस्टमेन्ट खालामदों। लोगोसेनो बुंदोंदि, बे बिथांखिफोरनि फुरा जानायाव गासै 16,000 एमबिबिएसनि मासिफोरखौ थिसन्नाय जागोन। बेनि गेजेराव गासै 64 गोदान मेडिकल कलेजफोरनि हाबाफारिफोरजों लोगोसे गासै 6,500 मासिफोरखौ गिबियावनो बानायनाय जाखांबाय। बिबुंथियाव बुंनया एसनि मासिफोरखौ बांहोनो थाखाय राइज्यो सरकारफोर एबा मिरु सरकारनि मेडिकल कलेजफोरखौ आपग्रेड खालामनानयनि थाखायबो गासै 2,451.1 कौटि रंखौ मोनो हादों। बे यजनानि गेजेरजों मेडिकल कलेजखौ बै जिल्लाफोराव गायसन्नाय जायो, जेराव सरकार एबा गावारि मेडिकल कलेज गैया। बे समाव गोलैसोनाय, उन जानानै थानाय आरो जानगाराव थानाय जिल्लाफोरनो सुबिदा होनाय जायो। यजनानि मोन 3 खोलोबफोरनि गेजेरजों गासै 157 गोदान मेडिकल कलेजफोरखौ गनायथि होनाय जादों, जायनि गेजेराव गासै 63 मेडिकल कलेजआ गिबिनिफ्रायनो हाबाफारि मावदों। मिरुआ फोसावनाय यजनानि गेजेरजों गायसन्नाय 157 गोदान कलेजफोरनि गेजेराव गासै 10,000 एमबिबिएस मासिफोरखौ बानायनायनि थांखिजों मिरुआ फोसावनाय यजनाखौबो सोलिहोदों। एमबिबिएस मासिफोरखौ बांहोनो थाखाय राइज्यो सरकार, मिरु सरकारनि मेडिकल कलेजफोरखौ आपग्रेड खालामनानयनि यजना दड।

## सुंद'सल'

**मिह्रन्जन वसुमतारि**  
 आं जेब्ला सिरि मोनो मेगन बेखेवो अब्ला भेन्टिलेटरजों रुमाव स्वान सोराडा हाबफैबायमोन। सिखारनानै नायहरब्ला नुबाय समायना कुमबाला आरो मालाबार हाजो। थाब सिखारनो रोंदयैआव उन्दाहा जादों आं। गावखौनो लाजिदों। उन्दुगादुरा सानजानो गिदों। गावनि न'मोनब्ला मोनसे खोथामोन।

क्लास जोबखानानै लांगोनो मोनफै ग्रोमोना निसा निमबियारनि गाबजिनाय रावआ आनि खोमाया सौहदों। आंखौ गाबजिनाय आरो लिनाय राव। अदेबानि निसाया रादाय होखादोंमोन। फार्सेंथि आं एमब्रानाय दिन्थिदोंमोन। ब्राइनो निसाया आंखौ गावसिनाव लिनाय लानो फैदों। मोनसे समाव निसा सालायनाय आं गाखोनाय गंसे मारुति कारआ नोगोरमाखौ सिंखाव सिंखाव खारदों। सासे हिन्जाव सालायनाय गाड्डीयाव आं लाजिखोमादों।

गावसिनि न'आव

## गोर्बोनि रादाय

सौफै ग्रोमोना इउनिभासिंदि ह'स्टेलनि सुपारेन्टेण्ड सउसानि सिम टेलिग्राफ हरहोदों आंखौ। फार्सेंथि सप्ताहसे क्लासबो गेखाया।

मिस निसा निमबियारा इलपिप्टन इउनिभासिंदिनि फरायसा आरो ह'स्टेलार। डानड'सोल' जाफैदों आं। निसाया बम्बाइनिनो। दुड-सुवा बोथोर जायगानि बिलितनायाव देरनाय टिप टिप सारीनि जौवा-हाइया सोमा-फुरा जाखुंफु सासे सफिस्टिकेटे ड सिखला। खुगायाव हिन्दी इराजीनि गोरोन्थि गैयै खहाबथाव राव।

इउनिभासिंदिआव आगान होफेनायनि डानसे उनावनो मिस निसा निमबियारखौ नोगोरमानि कमला नेहरु पार्कआव लोगो मोन्दों आं। अब्ला निसाया लोगो गोमाजानाय मासे दाव बादि हार्सिंडेदिदोम मासियाव जिरायनानै दडमोन। आंबो गोदान हादान हार्सिं सल'नि प्लट बुधुमनो पार्कआव सौहदों। निसा निमबियारजों आं मोगा-

मोगि जाहैदों। रायदाबनाय आरो सिनायथिजों बै समनिफ्रायनो बिबो आंखौ-आंबो बिखौ आंगो आंगो सानफलांबोदों। साफ्रोमबो फरायसानि जिउ थांखियानो फरायनानै गोजोन जिउ दानायल' नडा। आंहाबो बिबिद थांखिया गैया। दडमोनब्ला आं इसि गोजान आंगो हादाबनिफ्राय गोजौ सोलौंथाय एम एस सि डिग्री लानो बम्बाइ इउनिभासिंदिआव फेनाय नडमोन। आनि मोन्दांथि बायदिब्ला सोलौंथायजों लोगोसे बोथोर आरो खाबुजों गोरुब होनानै गुबुन जौगा माहारीजों रुजुनांगौ। गोरुबनाय सानसि आरो आदोबखौ लानानै माहारी जागौनायाव बाहायनांगौ। मिस निसा निमबियारा आंखौ ह'स्टेलार लोगो ह'मै-ह'मै लिहै नाया बुंनो थाडोब्ला खेबबासो जाखाबाय। बे बिथिडव आंबो गात्रि मोनाखै। फाजायाखै। खैफोट आफोट मदत नांगौ। निसानि दैदेनायावसो आं बाडय समनि

गेजेरावनो बम्बाइ नोगोरमाखौ नुजोबदों। बिमा-बिफा बिदा-बिबाजैनो सिनायथि होनानै निसाया आनिखौबो होदों। नाथाय आं आनि आंगो बर' माहारीखौ रोखायै, सिनायथि होनो हायाखै। मानोनो भारतनि संबिजितआव बर' होन्नानै मख'नाय गैया। जायनि जाहोनाव आं सिनायथि होनादों। गुबुन फार्सेंथि जों बायदि नाखेबजानाय गावब जानाय माहारीखौ सोर मिथिनो हास्थायनो?

बं कफास्ट खालामनो जिरायनाय समाव सासे गोदान सिखलाखौ निसाया सिनायथि होबावदों। इलण्डनि नोगोरारी। जानालिप्ट। एयार वृटिसजों हर गेजेराव सौफैदों। निसानि लोगो।

: आंहा नोंजों माखासे गोनां खोथा दं। आंखौ थांखिनानै आलासि सिखला जानालिस्ट मिस लुसि पेरीया इराजी रावआव बुंदों। ब्रेकफास्टनि उनाव सावरायनायबो जादों। बाथ्राया बेनो लुसी पेरीनि बिबैनि मुडबो आनि बिमुजों गोरुबदों। मुडा-बन्दना बसुमतारी। जाय बन्दनाया लण्डनाव दासिम थैहां थैहां बुरी ( 4 बिलाइआव )

# मन की बातनि गेजेरजों गाहाय मन्थ्रि मदिया हादतआव बानायनाय मुवाखौ बाहायनो खावलायदों

गोदान दिल्ली, 24 अक्टबर: गाहाय मन्थ्रि मदिया मन की बात हाबाफारियाव बै सावस्त्रि बिफाननि मावसुमाफोरनो गाहाम हामब्लायथि बावहरदों, जायफोरा भेक्सिन थुनाय हाबाफारिखौ गोजौ थाखोसिम लाबोदों। बिथाडा मन की बातनि 28 थि हाबाफारियाव बुजेदि, हादतआ 1 आरबनि बांसिन करना भेक्सिन थुबाय। बे थांखिसिम सहेनायाव हादतनि सावस्त्रि बिफाननि मावसुमाफोरा गिदिर बिहोमा होदों। लोगोसेनो भारतनि आइजो गोहोखौबो गोबां बाख्नायो। बिथाडा बुंदों - भारतीय आइजोफोरनि जुथाय हादतनि गोहो आरो गोहोमखौ बांहोनायनि खामानि मावदों। मख 'जाथावदि, बावैसो



सिगांआव आइजो थान्दैफोरा इएनआव चीन आरो पाकिस्ताननो गोखों फिन्नाय होदोंमोन। गाहाय मन्थ्रिया बे खाबुआव 31 अक्ट'बरखौ माहारियारि खौसेथि सानखालि मोनथाम बादायलायनाय हाबाफारि खुनोबो फोसावदों आरो उदांसिनि सान्थ्रि बिससा मुन्डाखौबो गोसोखांदों आरो

बुंदों जों बयबो बबेबा नडा बबेबा हाबाफारिजों लोब्बा थानांगौ, जायफोर हाबाफारिया हादतनि खौसेथिखौ गोखों खालामो। गाहाय मन्थ्रिया मन कि बात नि गावनि बिबुंथियाव माहारियारि थाखोआव रंगली बादायलायनाय खुंनोबो फोसावदों। हादतआ गोनोखोनि बिथिआवबो गोखेंनो

आवगायलांगसिनो दं होन्नाइ इननि गेजेरजों जों गोबां खामानिफोरखौ मावनो हायो होन्ना बुजे। जों इन टेक्नीक बाहायनायखौ बांसिन खालामनो थाखाय बेनि लाइसेन्सनि हाबाफारिखौ गोरले खालामना होदों। मदिया बेयाव स्वच्छ भारत अभियाननि बाश्रा बुंगानै दिवालीनि समाव जों गाव-गावनि न'फोरजों लोगोसे खाथि-खालानि न'फोरखौबो नोजोर होनांगौ होन्ना बुजे। बे अभियाननि गेजेरजों जों खेबसेल'बाहायजाग्रा प्लास्टिकनि बाहायनायखौ नेवसिगारनो थाखायबो थांखि लानांगोन। दिवालीनि समाव जों हादतआवबो बानायनाय मुवाफोरखौ बयनो थाखाय नोजोर होनांगोन।

## नजल करना भेक्सिन लानानै भारत बायटेकआ गथ 'फोरनि टिकानि थाखाय डिजिआइनिफ्राय लाइसेन्स मोनो नेगासिनो

गोदान दिल्ली, 24 अक्टबर: भारत बायटेकनि करनानि नजल भेक्सिन एवा गथंजों होरा करना भेक्सिनखौ लानानै आपडेटआ नुजाथियो। कम्पनीआ खौरां होनाय बादिब्ला, बे भेक्सिननि फेज-2 ट्रायलआ आबुं जाबाय। बेयो मोजां फिथाइ दिन्थिदों। बेयो करना इन्फेक्सननि गोसारनायखौ होबथानायाव मदद खालामगोन। बेनि खौरांखौ कम्पनीनि बिथोनगिरि आरो सियासमेन डा: कृष्णा इलाया होदों। बिथाडा गथ'फोरनि करना भेक्सिनखौ लानानै बेनि थाखाय ड्रग्स

कन्ट्रोलर जेनेरेल अफ इन्डियानिफ्राय गनार्याथिखौ नेगासिनो दड होन्नाइ बुंदों। मख 'नो गोनांदि, बोसोरनैनिखुइ देरिसिन गासै गथ'फोरनो करनानि टिका थुनो थाखाय भारत बायटेकनि टिका कभेक्सिनखौ साब्वेकट एक्सपाट कमितिआ बेनिफ्राय गनार्याथि होनो आर'ज गाबदों। आथिखालाव बेनि सायाव डिजिआइनि थांखिखौ नेगासिनो दड। बेनि सिगां जायडस केडिलानि भेक्सिन जायकभ-डिखौ 12-18 बोसोर बैसोनि गथ'फोरनि थाखाय गनार्याथि मोनखांबाय।



## खोला एसियाआव गोजोन फैयोब्ला चीननि खैफोद दड, भारतनि हेंथायै चीनआ खैसार सादों: जेनेरेल बिपिन राउत



गुवाहाटी, 23 अक्टबर: बुंदोंदि, चीनआ मुलुगनि सिफ अफ डिफेन्स स्टाए जेनेरेल बिपिन राउतआ

जाहोनाव खोला एसियायनि दिदोमथिनि सायाव गोखों खैफोद दड। बावैसो सिगांआव बै ओन्सोलाव चीननि हा-सा बाहागोनि सोलोआरि खान्थि बाहायनाय आरो गोबां इन्भेस्ट खालामनायखौ नुनो मोन्दों। म्यान्मार आरो बांलादेशनि सायाव चीननि आखाय होनायाबो भारतनि हितआव गैया मानोना बेफोरो भारतनि सायाव गावसोरनि गोहोम खोलैनो नाजानायनि मोनसे बाहागो। सिडिएसआ भारत-पाकनि सोमोन्दोखौ लानानै बुडोदि, पाकिस्ताननि सरकार उतखारिफोरखौ फिसिग्रा एवा सरकारनिफ्राय हरनाय उफ। गोनांथिफोरजों उतखारिफोरनि हाबाफारिया दरनैबो हादतनि गोजोन हाबाफारियाव हेंथा होदों। बिथाडा गुबुन गुबुन आयदाफोराव पाकिस्तान आरो चीननि गेजेरनि सोमोन्दोखौ भारतनि बेरेखा होन्ना बुंदों आरो

बेयाव चीननिफ्राय पाकिस्तानखौ सान्थ्रिनि जोन्थोरफोर जगायना होनाय आरो हारिमायारि जौसांआव बेखौ हेफाजाव होनायाबो दंफायो। चीनजों सिमानि जेंनाखौ गोखोडै नोजोर होनांगोनि गोनांथि दड। बेयो खालि लाहाइक सेक्टर एवा सा सान्जा राइज्योफोरनिल आयदा नडा। भारत - चीननि सिमानि जेंनाफोरखौ सुख्नायाव गोबाव सम लानायनि सायाव राउतआ बुंदोंदि, दरनैबो हादतनि गेजेराव सन्देह दं बेनिखायनो बे जेंनाखौ सुख्नायाव गोबाव सम लादों। सुबुंफोरा हादतनि हाबाफारि आरो एसएस बि हान्जानि सायाव फोथायनाय लाखिनांगौ। चीनआ बबेबा हादतआव गावसोरनि थाखाय जायगा बानायनो गावसिनि रांखान्थिनि गोहोखौ बाहायनायनि हुदा दड। नाथाय जों जोंनि न'सुंसे-आरिफोरनो बेखौ मिथिहोनांगोनदि, जों बेयाव जुगामि लोगो महरै दड।

## हाजो ओन्सोलफोराव बरफ गोग्लैदों, हादतनि माखासे बाहागोफोराव अखा खोरोमनायजों लोगोसे गोब्राब अखा हागोन, बोथोर बिबाफाननि सांग्रांथि

गोदान दिल्ली, 24 अक्टबर: राजथावनि दिल्लीजों लोगोसे हादरनि माखासे बाहागोफोराव थानाय सानफोराव गोबां अखा हायो। उत्तराखण्ड आरो हिमाचल प्रदेशआव गोबां अखा हानायनि जाहोनाव जिब-जुनातफोर गोबां खहा जायो। हादरनि माखासे राइज्योफोराव आरोबाव खेबसे बोथोरआ सोलायनो हागौ होन्नाइ सन्देह खालामदों। भारतयारि बोथोर बिगियान बिफानआ सोनाब राजस्तान, पान्जाब, हिमाचल प्रदेश आरो जम्मु-काश्मीरनि थाखाय अरेज एलार्ट फोसावो। बे समाव फोथार ओन्सोलफोराव अखा खोरोमनायजों लोगोसे गोबां अखा आरो हाजो ओन्सोलफोराव बरफ गोलैनायनिफ्राय थियारि थानो थाखाय सांग्रांथि होनाय जादों। बोथोर बिफाननि बादिब्ला,



जम्मु-काश्मीर, लाडाख आरो हिमाचल प्रदेशआव थानाय छिट गोलैरा जायगाफोराव गोबां अखा हानायनि सन्देह खालामदोंमोन। बेनि उनाव थानाय शनिबारखालि काश्मीरनि गोजौ हाजो ओन्सोलफोराव गोबां बरफ गोलैनायखौ नुनो

मोन्दों। हिमाचल प्रदेशनि माखासे ओन्सोलफोरावबो गोबां बरफ गोलैनायखौ दड। बोथोर बिफाननि गागि बिगियानगिरि आरके जेनामांणआ बुंनाय बादिब्ला, शनिबारखालि दिल्लीआव जोमै साग्लोबदों। दिल्लीआव शनिबारखालि हर

आरो रबिबारखालि फुडव एसे अखा हानो हागौ। पान्जाब, उत्तराखण्ड आरो गुबुन ओन्सोलफोराव अखा हानो हागौ। खोला भारतआव थानाय शनिबारखालि फुडव केरेला बोरिनि गोजान ओन्सोलफोराव मोनसे चक्रबाती साइक्लनखौ नुनो मोन्दों। बे साइक्लनआ खोला भारतनि खाथि-खालायाव थाबाय थानो हागौ। बे समाव खोला भारतनि आलादा-आलादा जायगाफोराव अखा खोरोमनायजों लोगोसे गोबां अखा हानो हागौ। बेराफार्से समबार आरो मंगलबारखालि तामिलनाडुनि माखासे जायगाफोराव अखा हानो हागौ। केरेलायावबो समबारखालि गोबां अखा नि एलार्ट फोसावदों।

## पाकिस्तानआ सिपिडिसिनि हेंथायै भारत आरो इउएसनि थांखिजों खैफोदआव गोग्लैदों

इसलामाबाद, 24 अक्टबर: पाकिस्तान-चीननि रांखान्थियारि बिथिनि गाहाय खालिद मन्सुरआ भारत आरो आमेरिकानि सायाव दाय जाबसिन्दोंदि, बिसोरो बे यजनाखौ जाफु'सारहोयैनि थाखाय खैसार सादों। बिनि बे बिबुंथिआ भारतआव पाकिस्ताननि आगुनि राजथान्दै आबुल बासिलनि बै बिबुंथिनि उनाव फेदों, जेराव बियो बुंदोंमोनदि, पाकिस्ताननि आखाइनिफ्राय काश्मीरनि आयदाया गोमोरलांगसिनो दड। बियो बे बिबुंथिखौ जम्मु-काश्मीरआव इन्भेस्टमेन्टनि थाखाय भारतजों इउएइनि मुंसाइ जानायनि फिनजाथायाव होदोंमोन। बियो बेखौ भारतनि मोनसे गिदिर देरहासारनाय होन्नाइ फोरमायदोंमोन। आथिखालाव खालिदनि बिबुंथिया बे बाश्रा नि इसारबोदि पाकिस्तानआ आथिखालाव बे



यजनायाव नोजोर खोख्लैदों। मख 'नो गोनांदि, भारतआ पाकिस्तान आरो चीन दरनैबो हादरफोरनो बे यजनानि सोमोन्दै सांग्रांथि होखांबायदि बिसोरनि राइज्योआ जम्मु-काश्मीरनि गेजेरजों थाडो। बेनिखायनो बेयो आबुडै आइनि बेरेखा जादों। भारतनि सिडाव थानाय काश्मीरखौ लांफिन्नायनिबो बाश्रा बुंखांबाय। गोबां आरब डलारनि

बे यजनानि सायाव खालिदआ इनस्टिटुट अफ बिजनेस एडमिनेस्ट्रेशनआव सिपेक सामिटआव बुंदों, भारतजों लोगोसे आमेरिकाया गोरोबलायनानै पाकिस्ताननि इकनमिक लाइफलाइनखौ फोजोबनो हास्थायदों। मख 'नो गोनांदि, खालिद सिपेकनि सायाव पाकिस्ताननि गाहाय मन्थ्रि इमरान खाननि जर'खा हेफाजाव दड।

## भारतजों सिमनासेयाव थानाय कमान्डखौ सोलायदों चीनआ

गोदान दिल्ली, 24 अक्टबर: चीनआ पिएलएनि वेस्टान थिएटार कमान्डआव सोलायबाय। भारतनि सिमनाजों नांजाबनाय सान्थ्रिनि जेंनाफोरा बे कमान्डनि बे'खन्थायाव गोग्लैयो। मानिनानै लानाय जादोंदि, चीननि हादरगिरि शि जिन्पिनि बिथोनआव कमान्डआव सोलाय-सोल' खालामनाय जायो। जिन्पिआ चीननि मिलिटारि कमिसननि गाहाय सियासमेन। पिएलएनि कमान्ड'आनो चीननि जौसिन दावहारु गाथोन। खौरांनि बादिब्ला, सा 5 लेफ्टेनेन्ट जेनेरेलखौ प्रमसन खालामनानै जेनेरेल खालामनाय जाबाय। जायनि गेजेराव सासे जेनेरेलखौ वेस्टान थिएटार कमान्डआव थिसन्नाय जायो। मानिनानै लानाय जादोंदि, भारतनि सायाव नारसिन्थाय बांहोनायनि थांखिजों कमान्ड'आव सोलायनाय जायो। थानाय से खावसे बोसोरनिफ्रायनो चीनआ



भारतनि हेंथायै लांथ्रियै मिलिटारि गोहोआव एक्टिभआव थाबोदों। बेफोर बादि थासारिनि गेजेरावने चीनआ सान्जा लाडाखनि बाहागोआव गावसोरनि आवगिथायखौ लाबोबाय थायो। उत्तराखण्ड आरो

अरुनाचल प्रदेशनि सिमनाजों नांजाबनाय जायगाफोराव जेंनाफोरखौ बांहोयो। लोगोसे बेफोर ओन्सोलाव हाथिनयानि थाखाय लामा आरो दालां बानायनायाव नांथाबो। खौरां बिलाइआव फोरमायनाय बादिब्ला, चीनआ बेफोर

हाबाखौ भारतनि हेंथायै सिरिये मावबोदोंमोन। वेस्टान थिएटार कमान्डनि कमान्डार मासिआव गोदाने थिसन्थाय खालामबाय। वेस्टान ओन्सोलाव दैदेनयानि थाखाय जेनेरेल वां हैजियांखौ गोदान कमान्डार महरै थिसनबाय।

### LOST

I have lost my original Marksheet of B.A 1st Sem. bearing Roll No. UG201A17066 for the session 2019-20.

If anybody has found please inform to the following address.

**Sri Bhum Jhwla Brahma**  
S/o - Nagendra Brahma  
Vill. - Dhawliguri  
P.O. - Chandrapara  
P.S. - Kokrajhar  
Dist. - Kokrajhar, BTR, Assam.

# टयलेट पेपारआ मानो जेब्लायबो गुफुर गाबनिल ' जायो ? मिबथिनो गोनां बाश्रा

सोनाबारि हादतफोरनिखुइ जॉनि हादतआव टयलेट पेपारखो बाडयै बाहायो, नाथय बेखो बाहायनाया आथिखालाव बांबोगासिनो। सिगां समाव खालि हटेल्फोरनि बाडरुमआवल ' बेफोरखो नुनो मोनोमोन। अदेबानि आथिखालाव नख 'रआव आरो अफिसफोरावबो टिशु आरो टयलेट पेपारखो बाहायो। मख 'नो गोनांदि, बेफोरखो मानो खालि गुफुर गाबनिल ' बानायनाय जायो। बेयो मिथिनो गोनां बाश्रा। टिशुखो बायदि गाबनि बाहायोब्लाबो टयलेट पेपारखो जेब्लायबो गुफुर गाबनिल ' बाहायनाय जायो। बेनि आन्दोआव दं बिगियानारि आरो फालांगियारि जाहोन। बेनि अनगायै आबहावानि रैखाथिखो नोजोर होनानैबो टयलेट पेपारखो गुफुर गाबनिल बाहायनाय जायो। बेनि जाहोनफोरनि गेजेराव मोनसेया



जादों जेब्लायसिम पेपारआव लीचखो बाहायनाय जाया, बेनि गाबआ गोमोब्लाबो सोमखै जायो। ब्लीच होनानै बेखो गुफुर खालामनाय जायो। बे गाबखो गुबुन गुबुन गाब होनायनिखुइ गुफुर गाब होनायाव खमसिन खरसा जायो, जाउनाव टयलेट पेपारनि बेसेनखो सरसन्नायै लाखिनो थाखाय कम्पानिफोरा बेखो गुफुर गाब होयो। फार्सेथिं

टेकन 'लजी दत कमनि रिपर्टनि बादिब्ला आबहावाखो नोजोर होनानै नायोब्ला गुबुन गाबफोरनिखुइ गुफुर गाबनि टयलेट पेपारआ थाबै नो हायाव सेवलाडो। बेनिखायनो बेनि गाबखो गुफुर खालामनाय जायो। अदेबानि गुबुन गाबफोरनि टयलेट पेपारखो बाहायोब्ला सावस्त्रिजों लोब्बा थानाय जेंनाफोरा जाहाथे नुजाथिया

बेखो नोजोर होनानै डाक्टरफोराबो गुफुर टयलेट पेपारखो बाहायनायखोबो साबसिन होन्ना गनायो। टयलेट पेपारखो कम्पानिफोरा बायदि गाबनि दिहुन्दोंमोनब्लाबो बेफोरखो साप्लाइ हरनायाव जेंना जादोंमोन। मुलुगनि गासैबो हादतफोरावबो खालि गुफुर गाबनि टयलेट पेपारखो ल ' बाहायनाय जायो। □

# अखा हनाय समनि दै थरथिंआ जेब्लायबो मानो दुलुर जायो: बेनि बिगियानारि जाहोन

मुलुगआव एरैबादि मुवाफोर दं, जाय जॉनि सोरगिदिं साखाथि-फाखाथिफोरावबो थायो, नाथय बेफोरखो जों नोजोर होया। उन्दैनिफ्रायनो जों अखा हनाय आरो मेगननिफ्राय मोदें गनायखो नुवाय। नाथय नोजोर होथावदि, बेफोरखो अरायबो मानो दुलुर महरनिल ' नुयो। अदेबानि दैखो जायखि-जाया आइजें-आइलाफोराव दोना मानो बेनिनो महर लायो। नाथय अखा महरै हायोब्ला आरो मोदें गयोब्ला मानो दुलुर महरनि जायो, बेनि माखासे बिगियानारि जाहोनखो मिथिनानै लानि। बोखथाबमा गोहोनि नोजोरजों दुलुर एबा बेंखन महरआ बयनिखुइबो फिसासिन महर। दैनि थरथिंआ जेसेबां



फिसा जालांगोन एसेबांनो बेयो दुलुरसिन जालाडे। गिदिर दै थरथिंफोरा एसेल ' समनि थाखाय दिन्दानै थायो आरो बेयो गाहाय फार्से गोग्लैयो। मख 'जाथावदि, दुलुर महरनि आवग्रिथाय एबा सोरगिदिं

सिमनाया गुबुन महरनि आवग्रिथायनिखुइ खमसिन जायो। बेनिखायनो अखानि दैया दुलुर महराव गोग्लैयो। खालि अखानि दैयाल ' नड, गोजौनिफ्राय गोग्लैनाय जायखि-जाया लाव-लाव

मुवायानो जेसेबां बुहुमनि खाथि-खाथिसिनआव सौफैयो बे थरथिंफोरनि महराबो सोलायो आरो थरथिंफोरनि महरआ सा बाहागोनि जेंनानि जाहोनाव जेब्लायबो दुलुर महरनि जायो। □

## समनि मेथाय

जोनोम मोन्दों बुहुमाव, सोमखोर मिथिगानि बिखायाव। सोरबा गाबदों, सोरबा मिनदों थेवबो गोसोया रंजादों गासैबो दुखुखो बावनानै रैरुब मिथिगानि महरखो नुनानै साना ओंखारदों हाबदों सेंग्रा-सिख्ला जादों गोजाम थादों गोदान फेदों गोसोया बयनाबो सोलायदों नाथय बबेनिबा माब्लाबो गोसोम जोमैया साग्लोबबा मिथिगाया जादों मोखां सोमखे जादों मानोबा एरखे एरखे जाय सिगाडव बजबदों बिनो दिने एंगारदों जाय मुहुमाव लाबोदों बिनो दिने होखारदों सोर मिथिनो सोर खोनो ? मिथिगाया जादों बिदि मानो ?? □

शशिकेस नार्जारी  
ला:सो:- गामि:-सराइबिल  
कक्राझार

## रजेआ आंनिमोब

नै आदा मोजां मोन्दोंमोन आं नोंखो, नाथय नों आंखो नेवसि लांबाय आंनि गोसो सोलेरखो बोखेब होबाय मा खालामबावनो मा बुंवावनो नॉनि गोसोआदि फोथाय खेबस ' हमदां मोनाखेसै आं नॉनि गोसोखो मिथिस ' मोनाखेमोन आं, नॉदि बिदि खालामगोन ? नाथय मा गोसो जाना नेवसिलांखो नों रजे गोबो बिखा सिंनिफ्राइ रजे नाथय आंनि सोलेर मोदोमा बेसेबांबा, नों रजेआ थाम ' बिलाइनि दै बायदि आंखो नेवसिगार लांबाय। फागुननि बारा देंखो जोना खालामबाय आंनि दुंहाव गोसोखो बोदोर-बावलि। जायो आं गोदाव-सोराव बारहुंखा सारअन्थाइ, बुखुब लांबाय, जॉनि मोजां मोनलायनायखो..... सान्दोंमोन आं नोंजों जुलि जानानै गंसे गोजों देरा लुनो नाथय दिने रजेआ आंखो नेवसि लांबाय।

थरायना चन्दना बर'  
जिल्ला:-बागसा  
गामि-जालाह

## हाया फोरमायना लानो

सैथो फोथाइनायजों- मोजां मोनबाय आं नोंखो नो स'ना, नाथय, हायाखै दिनेसिमबो नों अनसुलिन खोमा गुदियाव बुंथिनो, आं नोंखो मोजां मोनो होन्नाय फंसे राव।

गोसो आंनि बायलुं- स'ना नोंखो नो अराय गोसो खाडे-खाडे, नाथय, नों रजेया मानो बुजिरोड ? आंनि मोजां मोनानयनि इसाराखो। रजे, आं नोंखो थारै नो गोसो थोयो, नाथय, हाया फोरमायना लानो। □

शुक्र राम देमारी  
सालबारी  
जिल्ला:-बागसा, बि टि आर

# रंजालि गथ' फोरनि सौरा

## नोंनि खौरां

## जोहोलाव जों बर हारिनि

दाखलि नों आंनो हरदोंमोन खौरांजों लोगोसे मोजां मोनजेनायनि बिबार सावगारी। गोसो खाडे बेजों लोगोसे नोंखो आं सानो आडे दाबो गोसो खाडे खौरांखो। मा दं बेवहाय मानो दाबो गोसोआव फैयो, लाइजामनि थांखिया मामोन ? नॉनि लाइजामखो मोनोब्ला गोसोआ उसाव बादाव जायो सोर नों नुवाखै नोंखो। दामनायनि लोगोआव खोनानाय रैसुमै नॉनि खुगानि मेथाइ। सुजुनो सानो बायदि दुखुनि मेथाइ बायदिसिना बे नॉनि खौरांजों लोगोसे बायदि मैया नॉनि देंखोजों। सोरमोन नों नुवाखै नोंखो नुबायल ' नॉनि रैसुमैजों लिरनाय लाइजाम हास्थयदोंमोन नोंखो मोकथाडव मोनो। मानि थाखाय लिरनाय बै लाइजाम हास्थयो दाबो नोंखो मोगथाडव नुनो। थगाइबायल ' नों आंखो सावगारिजों जिरि जिरी बोहैनय दैमानाव सोडे आं नॉनि खौरांखो सोरनि होन्ना नै गैया नाथय रावनिफ्राइबो फिन होबायल ' नों आंनो हांमा। □

मिच निजिरा बसुमतारि  
ला:सो:-रुनिखाता  
जिल्ला:-चिरां,बि टि आर

दावगालांगोन जों दावगालांगोन बर ' बिमाखो सिबिलांगोन जिउ सोलेर बावनानैब्लाबो खालामगोन देरहासाद बर ' हारिखो। दं जॉनावबो दैमालु सिखना जोहोलाव जोहोलावनि दुंबुद थै, हाया जोंखो गुबुन रावबो होबतानो। बर ' बिमानि सायाव खालामनाय एसेबां इनाय अनागार हाया जों सहायना थानो, दं जॉनावबो बिमानि थै नुयोबोला बिमानि सायाव इनाय जॉब्लावो मेगनाव अरखि गोदौखाडे दुंबुद थै जॉनि। होयोब्ला इनाय साजा जॉनि सायाव हानाय नड सहायना थानो बे गोसोआ फोजोबम्रांगोन, साथ ' लाइखो जोबम्रांनय बायदि। जाय समाव मुजुदलादोंमोन जाय समाव मुगैदोंमोन, नासयदोंमोन जोनोमगिरि जॉनि बर ' बिमाखो अब्ला आय ' सोर होन्दोंमोन बै समाव..... ? खालामदोंमोन सोर मदद बर ' फिसाफोरखो....। जाय समाव बोहैदोंमोन थैनि बाना। बर ' बिमानि बिखायाव दाखा दाखानो दासान जोंखो होबथानो, हाया जों फासयना थानो दं जोंहाबो अन्नाय बर ' बिमानि सायाव। □

जयसरन नार्जारी  
दंगलांबारि ( शिमुलतापु )  
जिल्ला: कक्राझार

## सुंद'सल'

मुसि खोमथा ओवारीनि बिनानाव अनजालीआ दिनेसिम 20 बोसोर जालांबाय बिनानावखो नुयैआ। सिख्ला देरनानै हाबाफोर जाबाय खोमा सानो खोमथाआ सम सम मोनो मोदें हु गारखोमायो। नायल ' -जाल ' सानैल ' फिसामोन बिमा-बिफानि। बोराय-बुरी जालांबाय फिसाजोनि हाबानि सिन्था, फारसेथिनिफ्राय फिसालानि न'आव नुजाथि फैनो हायैनि सिन्था। अखा नायब्लानो खौरां मोनसे मोनब्लानो आर्मि ,पुलिस खावब्ला सिब्ला। माब्लाबा बबेयावबा माबा मोनसे जाथाय एबा गावसिनि मानसि थैयोब्ला रागा-रागा। आरो माब्लाबा गावसोर मोजांब्ला गुरैयै बिमा-बिफाखो बुजायलाडे नोंसोर खोमथाखो बुजाय, हाबा होनानै नखर बेंनो संसार जानो होदो। बिनानावखोबो बुजाय लाडे फिसाजो एबा बिनानाव महरै नॉनि नोंदा खोमथा सासेल ' नों सारे न्डार जानो खावलायदो। जुदि नोंदानि जिउआ जॉनि गुलिनि सिखार जायोब्ला नों मा खालामनो, नॉनि बोराय-बुरी बिमा-बिफाखो सोर अन्सायनो नोंथ ' हिनजावनि फिसा। आरोबाव आर्मिआ सोंबावो खोमथाया बबेयाव दड ? अनजाली, आं मिथिया सार ! दिनेसिम 20 बोसोर जालांबाय आं आदानि महरखो नायनो लुबैना नै हायरान जानानै दड। नाथय जेनिबो उदिस गैया, लेटारबो सौफैयाखै, होन्ना नै गाबो। आर्मिफ्रा आइदिनखालि स'

## 20 बोसोर जालांबाय

गसंगासिनो दड। अनजाली-अ आ द आ खोमथा..... (खेबथाम) गाबन्नि हरो रिंखांलायनाय। बिदाया गाहायाव ओं खार खलायबोनानै नायगोमोयो ! अनजाली बिनानाव नों ! इसे गिदिर देरबाय। आदा-बिदाखो गोबानानै उफले उफले गाबो बिदायाबो गाबो। बिनानावखो नों मानो बेयाव फेदें ? सोरबा सुथुरा जुदि नोंखो आंजों लोगो हमनायखो नुब्ला खैफोट जागोन। अनजाली-आदा ! गावनि आरो आइ-आफानि, आंनि थाखाय नों जेबो साना नामा ? खोमथा-सानो बिनानाव सानमालाय मा जानो ? आं सुथुरनि थाखायनो न'सिम नुजाहै नो हालिया। अनजाली-आदा आं फंसे बाश्रा बुंगोमोन नों रागा जोडाब्ला। खोमथा-बुं बिनानाव। अनजाली-आदा नों सारेन्दार जादो आरो सासे मोजां सिख्लाखो बाजे लाबोनानै संसार जादो, आं आइ-आफानि दुखु खो

नाइनो हालिया। आंबो हिनजावनि फिसा महराव उजिनानै सासे फिसा होवानि सान्नाय बादि सुफुं नो हालिया आदा..(दुखुजों गाबो अनजालीया)। बिनानाव नों बिदि दाबुं। आं सारेन्दार जानो हाया आरो सासे सिख्लानि जीउखो फेले खालामनानै आस'खान्दा खाफालनि समाइना सिन्दुरखो हुखुमोरनो हाया। दिने जुदि आंबो जुलि लायो बैबो लायो आरो साफा-साफा सारेन्दार जानानै आंनि थारुमनाय बावहरबाय। बे समावनो माखासे आर्मिफ्रा साग्लोबनानै थाफैनायसे। आर्मिफोरनि खावलायनाय-खोमथा ओवारी नों गावखो जुदि मोजाडै मोजां गथायनानै लायाब्ला नॉनि जिउआ जोबसिगोन। खोमथानिबो फिन-आं गावखो गथायनानै बर ' हारिखो दुखु होया। बे समावनो सासे आर्मिआ खोमथाखो गावहरनायाव अनजालीया बारस'नानै बिखायाव नांजायो। बिखायाव ह मथानानै गुरलाब बागदावखाडे। दसे हां गोलाव बोयो.....। हाब ! माथो सिमांसोलाय। बिसिनायावनो आरज गाबो अनजालीया बिदानि थाखाय जिउ गोलाव जाथों। आनान गसाईया अरायबो खोमथाजों थाबाय थाथों। बर ' हारिया उदां जाथों। □

## गोर्बोनि रादाय

(□ 2 बिलाइनिफ्राय) देहाखो लानानै दड। लुसी पेरीया गुसुडे आंनो फोरमायबावनाय बादिब्ला बिबो उइलियम पेरीयानो बिबै बन्दना बसुमतारीखो भारतआ उदांश्री जानानै थानाय समाव लांफादों। दैदेनयनि मोनसे बुब्लियाव निमबियार, पेरी आरो आं नोगोरमा बम्बाइनिफ्राय साहा नैजिबै कि: मिटर गोजानाव थानाय मिथिगानि रानी जुहु बिजआव सौहैदों। थांखिया दुगैनाय। लुसी पेरीया बिन्थानाय आरो थांफिन्नाय समाव ब्रा-ब्रा खावलायनाय गोर्बोनि गोरा रादाय होनाय बादि डानथामनि उनाव निसार्जो-आंजों इलण्डनि राजथावनि लण्डन फार्से थानो साखा-फारा जाबाय। निसानि थाखाय बेयो गोदान दावबायनाय नड। □

## भबानिपुरनि मोन्‍नै बिसायख ‘थि फोसावदिं सुबुं गौमायाव बाहागो लादों गिबि मन्थिआ

बिसायख ‘थि फोसावदिंनाय मेलयाव बेबायदि बुंथिदों। बिसायख ‘थि फोसावदिंनाय सुबुं गौमायाव गिबि मन्थिआ बुंदोंदि, जों गोदो–गोदायनिफ़्रायनो जिउ खांबोनानै थानाय हाफोरखो फान्‍नानै गुवाहाटीसिम थांदों। आफां आसामआव हा–हुखों फानै–फानै आथिखालाव जॉनि गेजेराव हा गैयै जाबाय। आथिखालाव ठाकुरबारि मुंल’ दं, नाथाय बेयाव जॉनि थामोन्था, हारिमुफोर गैयै जाबाय। जों असमीया सुबुंफोरा सोरबा बिजेपि, अगप, कंग्रेस मुइव आलादा–आलादा बाहागो जानो थांगसिनो दं। गिबि मन्थिआ बुंदोंदि, थांनाय ५ दानाव नाजाबोंदोंदि, असमीयाखों फिन गोरोबफिनहोनायनि थाखाय। गुरूखुतिनि होखारनाय हाबाफारनि थाखाय जॉंखों सोंखारिदों, नाथाय जों साहस गोनांजों खामानि मावनानै थांबाय थागोन। गिबि मन्थिआ एआइइउडिएफनि आफादगिरि बदरुदिन आजमलखौ सोंखारिनानै बुंदोंदि, आजमलआ फोसावदिंदों जों रैखाथि नइ। जों बुंनो सान्दों आसामआव सोर रैखाथि नइ ? एआइइउडिएफ आरो कंग्रेस बादि गात्रि गोहोखौ फेजेन्नानै जोडो सोरजिनांगोन होन्ना गिबि मन्थिआ बुंदोंदि, जॉनि थाखाय दुखुनि बाभ्रा, मोनसे समाव फरायसा आफादआव थानाय सोरबा दैदेनगिरिआ कंग्रेसनो भट होनो खावलायदों आरो मोनाबिलियाव मुंख्लं खरोंस्वर तालुकदारनि न’याव थांदों। कंग्रेस आरो खरेंस्वर तालुकदारनि जिउमाया माब्ला खौसे जाखो होन्ना सॉलुबो सोडो गिबि मन्थिआ। गिबि मन्थिआ बुंदोंदि, जोंहा गोबां साहस दं, फँगौ ५ बोसोराव नुनो मोनै गोबां बाश्राखौनो जों दिन्थिनो हागोन। निखावरि सुबुंफोरखौ हेफाजाबनि थाखाय खामानि मावगोन। सरकारि मावसुमाफोरा मन्थि–एमएलएफोरखौ मोजां आखु दिन्थिनाय बादि बिसोर सुबुंफोरखौ मोनसे रोखोमनि मोजां आखु बानायनांगोन। टेला सालायगिरि–रिक्सा सालायग्राफोरखौबो मोनसे आखुज्जोंनो बाहायनांगोन। आथिखालाव गोदान–गोदान सन्थौआ जगायजेन्दों। मावखुलियाव थाडालासेनो जेराव खामानि मावनो हायो बेनि राहा लानाय जादों। न’आवनो थानानै ड्राइभं लाइसेन्सखौ मोन्‍नायनि राहा खालामदों।

गुबुन फारसे गिबि मन्थि ख़ हिमन्त बिश्‍व शर्मांआ भबानिपुरनि उफ़्रा बिसायख ‘थिनि सोमोन्दोयाव बुंदोंदि, थांनाय खेबाव जेब्ला आसामआव बिधान सभानि सरसनस्त्रा बिसायख ‘थिया जादोंमोन जोडो साफ़्रोमबो मिजिंथिदोंमोन भबानिपुराव जुथाय दोलोलि बिजाथिया देरहागोन। नाथाय जायखि–जाया जाहोनावनो बुइलासे ३ रेजाल’ भटनि फारगथियाव जेन्दोंमोन। भबानिपुर बियाबआव एआइइउडिएफजों लोगोसे थायालासेनो हारि–हा–बिथा रैखाथिनि बाहागो जानायनि थाखाय एमएलए फनिधार तालुकदारखौ जुथाय दोलोसिम फैनो खावलायदोंमोन होन्ना जर’खा सिमान जानानै गिबि मन्थिआ बुंदोंदि, जौगाखानायनि गोदान आबहावा सोरजिहोनो नागिरदों। दरसे गेदेर आसाम सोरजिनायनि थाखाय थांनाय ५ दानाव गोबां नाजादों। सरकार दानायनि ५ दान उनाव भबानिपुरसिम मोनसे खाबु फैंदों। बिजेपि जुथाय दोलोलि सरकारनि बाहागो जानो थाखाय होन्ना नुजाथि फैनाय राइजो–राजाफोरखौ बिजेपिनो भट होनो थाखाय खावलायो।

गुबुन फारसे मेलयाव कंग्रेसआ जगायजेन्नाय बाइइ सुबुं सानखो राजखान्थि खालामनायखौ बन्द’ खालामनांगौ होन्ना अगपनि मिरुआरि गाहाय नेहाथारि मनज सर्इकियाआ बुंथिदों गावनि बिबुंथियाव। बिजेपिनि बजाली जिल्ला कमिटिनि नेहाथारि किशर डेकाआ सामलायनाय मेलयाव गिबि मन्थिनि राजखान्थि नेहाथारि आरो एमएलए जयन्त मल्ल बरुवा, बिजनीनि एमएलए अजय राय, फलासबारिनि एमएलए हिमांग ठाकुरिया, हजाइनि एमएलए रामकृष्ण घस, मुंदांखा फावखुंगुर जतिन बरा, बिजेपिनि दैदेनगिरि मनज बरुवा, अगपनि दैदेनगिरि ख़ रन्जित डेका, देखोगिरि सिमान्त शंखर, बिजेपिनि बजाली जिल्लानि बिबानगिरि बिकुल डेका, बरपेटा जिल्लानि बिबानगिरि अनिल कुमार दासमोनजों लोगोसे माखासे दैदेनगिरिफोरा बाहागो लानानै बिजेपि जुथाय दोलोलि बिजाथि फनिधर तालुकदारनि हेफाजाबाव बिसायख ‘थि फोसावदिंदों।

गुबुन फारसे, बाक्सा जिल्लानि सिइव थानाय भबानिपुर बिधान सभा बियाबनि सावदरभिता गेलेमु फोथाराव दिनै खुंफुंजानाय जुथाय दोलोलि बिसायख ‘थि फोसावदिंनाय सुबुं गौमायावबो आसामनि गिबि मन्थि ख़ हिमन्त बिश्‍व शर्मांआ बिजाथि फनिधर तालुकदारनि जानानै बिसायख ‘थि फोसावदिंदों। बिसायख ‘थि फोसावदिंनाय सुबुं गौमायाव बिजाथि फनिधर तालुकदार, इउपिपिएलनि एमएलए भुपेन बर’, एमसिएलए दिलिप बर’मोनजों लोगोसे माखासे बिजेपि दोलोलि दैदेनगिरिफोराबो बिबुंथि होदों।

गिबि मिन्थि ख़ हिमन्त बिश्‍व शर्मांआ बिसायख ‘थि फोसावदिंनाय मेलयाव बुंदोंदि, सावदरभितायाव आरो धेमसा फोथाराव थानाय फिसा गुदि फाहामसालि गनैखौ मोन २० बिसिना गोनां फाहामसालिसिम फोजौखानानै गनैबो फाहामसालियावनो एम्बुलेन्स गथायना होगोन होन्ना फोसावना होयो। बेनि अनगायैबो खोला बिजनी आदर्श गोजौंसिन गेजेरगिरि फरायसालिखौ फोजौखानायनि थाखाय ३ कौटि रां गथायनाय, बरतारियाव गंसे जुनात फाहामसालि गायसन्नाय, आनन्द बाजारवाव गंसे कलइ स्ट्रेज गायसन्नाय, भबानिपुरनि गंफ़्रोमबो पन्चयतआव गंफायै जिम गायसन्नाय, ७४ बोसोरनि उजान बरबरिनि राज मन्दिरखौ गोदान लुफुंनायजों लोगोसे गंसे गोदान मुगानि गेवलां जोंसां लुफुंनाय, भबानिपुर बिधान सभा बियाबनि गासै गं ७ शंकरदेब सिशु निकेतनखौ गोदानै लुफुंनानै होनाय, हाथिनापुरनि बाथौ मन्दिर लुफुंना होनायजों लोगोसे गोबां जौगाखां होनाय आयदानि बाश्रा बुंथिनाै होदों गिबि मन्थि ख़ हिमन्त बिश्‍व शर्मांआ गावनि बिबुंथियाव। लोगोसे बिटिसिआव सोलिबाय थानाय हा–बायनाय–फान्नाय जेंनाखौ थाबैनो सुफुंनायनिबो बाश्रा होदों।□

## नुमलिगइआव मैदेर आरो सुबुंफोरनि गेजेराव दावहाया सोलिगासिनो दइ’

७०–८० मैदेरनि फालोआ गामि ओन्सोलाव उदखार खालामबोदों। दिनैबो मैदेरनि फालोआ माइ आफाद फोथारनि गेजेराव माइ जाबाय थानाय समावनो माइ आबादनि गेजेरजों बारलंनाय ११के भि मोब्लिव रानसारथाय थारआव नांनानै मासे मैदेरआ जिउ खोमानो गोनां जायो।

गुबुन फार्सेंथि मैदेरनि फालोआ गोलाव समनिफ़्रायनो ओन्सोलनि आबादारिफोरनि माइ आबादखौ जानानै–गार्लिनानै खहा खालामबोदों। हाग्रा बिफान आरो सरकार खुंथायनि सिगाइव बे जाथायनि सोमोन्दै खनले–खनले फोरमायथि हरनायनि उनावबो सरकार आरो हाग्रा बिफाना दिनैसिमबो जेबो रोखोमनि राहा लानायखौ नुनो मोनासै। जायनि जाहोनाव माब्लाबा हाग्रानि मैदेरनि जिउ गोमादों आरो माब्लाबा मैदेरनि गार्लोबनायाव सुबुइा जिउ खोमानांदों। गुबुन फार्सेंथि दिनै फुंनिफ़्रायनो मैदेरनि फालोआ आबाद फोथारनिफ़्राय ऑंखारबोनानै साखाथिनि साह बागानाव जिरायदों।□

## बाक्साआव हाग्रानि मैदेर आरो सुबुंनि गेजेराव मोगा–मोगि जानाया सोलिगासिनो दइ’

आफादफोरखौ खहा खालामदों। गासै मा ७०–८० मैदेरनि मोनसे गिदिर फालोआमैथाबारि, झारवस्ति, नयाबस्ति, स’नाजुलि, दिरिडापुर, बेलस्रि, बरिकादइ बायदि गामिनि आबाद फोथाराव हाबनानै गोबां बिघा माइ आबाद, गय बिफां खहा खालामनायजों लोगोसे माखासे नख’रनि थिनानै दोन्नाय माइ आरो न’–बांफोरखौबो सिलिंखार खालाम लाडे। बरिकादइ गामिनि गोबां आबादारिफोरानि माइ आबादफोरखौ खहा खालामनायजों लोगोसे सासे सुबुनि न’खौबो सिफायलाडे। गुबुन फार्सेंथि मैदेरनि उदखारखौ गिनानै हरफ़्रोमबो अर सावना, बमा बेरफ़ुहोना ओन्सोलनि राइजो–राजाफोरा उन्दुनाय गैया लासेनो हरखौ बारहोनांदों। मख’नो गोनांदि मैदेरनि फालोआ साननि समाव बाताबारि हाग्रा ओन्सोलाव जिरायनानै मोनाबिलि जानाय लोगो लोगोनो गामिफोरव हाबनानै फार्सेंनिफ़्राय उदखार खालामबोदों।□

## गसाइगावआव बिसायख ‘थिनि सिगां दोलो सोलायनायनि दोहौ

माफिजुर रहमानजों लोगोसे गुबुन गोबां दैदेनगिरिफोराबो बाहागो लायो। मेलाव गाहाय आलासि महरै मावफुं सोद्रोमा उइलसन हासदाआ बाहागो लानानै दोलोआव गोदानै हाबफेनाय गासैखौबो बरायनानै बुडोदि फँगौ २८ नं गसाइगाव बिधान सभा बियाबनि बिसायख ‘थियाव लांदों जायगायखो सुफुंनो थाखायल’। बेरफासै बा बोसोरगि खुंथायनि थाखाय दिसपुरआव मोनसे रोखा सरकार थानाय समनि गेजेरवनो जुदि मित्रजतनिफ़्राय इउ पि पि एल दोलोलि बिजाथि जिरन बसुमतारीखौ देरहा होनानै बिधान सभासिम दैथाय हरनो हायो अब्ला बे गेदेरथार भमराबिल ओन्सोलनि जौगाथायनि बिथिइव जिंगासिनो गोनां जानाय नइ। बि पि एपनि १७ बोसोरनि गात्रि खुंथाय आरो उदखारिनि दावराव–दावसि थि गैयै आबहावाया जोवलंनानै आथिखालाव बि टि सिनि सोरगिदिं गोजोन थासारि फेनायनि उनाव जॉनि गिबि आरो गाहाय खामानियानो जादों गासैबो बिथिइववनो जौगाथाय लाबोनाय। बेनिखायनो फँगौ ३० अक्टबरकालि टेक्टरनि सावगारियाव भट होनानै जौगाथाय बिथांखियाव हेफाजाब होलायनो थाखाय ओन्सोलनि गासैबो राइजो–रजाफोरनिसिम दैदेनगिरिआ मेलनि गेजेरजों खावलायहरो। दिनैनि बे बराय हावाफारियाव बि पि एप, कंग्रेस, बि एस इउ, ए आइ इउ डि एफजों लोगोसे गुबुन गुबुन दोलो नागारानानै फेनाय गासै सा २७० निबो बांसिन सुबुंफोरा इउ पि पि एल दोलोआव हाबहैयो।□

## भबानिपुर बियाबनि गाति दखरा फरायसा आफादनि आफादगिरि–नेहाथारिजों ...

आफादगिरि हरिनारायण दास आरो गाहाय नेहाथार प्रनबज्यति दासअ दिनै दैथाय हरनाय गांसे रदाब बिबुंसारनि गेजेरजों गाति दखरा फरायसा आफादनि सा १० बिबानगिरिफोरा बिबान नागरनायखौ फोरमायथियो। आफादगिरि हरिनारायण दास, गाहाय नेहाथारि प्रनबज्यति दास, लोगो गाहाय नेहाथारि कास्यप दास, रांखान्थि नेहाथारि रुपम दास, गाहाय आफादारि नेहाथारि धनजित दास, मावख’ नेहाथारि त्रिदिप दास, साथाम सोद्रोमा फारियै –बिन्तु दास, डेभिद दास, कुलधर दास, बोसोनगिरि भवेश दासआ फरायसा आफादनिफ़्राय बिबान नागारदों। बेराफासै बिथांमोननि मासि नागारनाय लाइजामखौ दुलाराय आसाम फरायसा आफादनि मिरु कमिटिसिम दैथाय हरदों।□

## बि टि सि रैखाथिनि सार्थआव बि पि एफनो भट होनांगौ...

बाराग’ गाहाय मावफुं सोद्रोमा हाग्रामा महिलारीआ बिसायख ‘थि फोसावदिंनानै बुंदोंदि, सरसनस्त्रा राइजो–राजाफोरनो गथायना होनायनि हेंथायै प्रमद बर’आ राइजो–राजनिफ़्राय लानोसो रँगौ होन्ना सोंखारिनानै बुंदोंदि, बिटिआरआव गोजोन फेनायनि दाबि खालामना सरकार नंखाय बाश्रा होनायजों राइजो–राजाफोरखौ थगायबोदों। प्रमद बर’आ बिटिसि फोजेबस्त्रांनो ऑंखारदों। गासैबो हारि–हारियारिखौ खौसे जानानै बिटिसि रैखाथिनि सार्थआव बिपिएप दोलोनो भट होनायनि थाखाय महिलारीआ खावलायो। बिसायख ‘थि फोसावदिंनायाव महिलारीआ प्रमद बर’नि सरकार राइजो–राजानिफ़्राय सांरिख होनायनि मुइव धोन लानायनि अजद होदों। गुबुन फारसे बिपिएफ दोलोखौ थगायनानै बिजेपिआ इउपिपिएल दोलोजों बिटिसि सरकार दाफुंदों होन्ना मख’नानै हाग्रामा महिलारीआ बिपिएफ सरकार फेयोब्ला गासैबो हानि पाट्राखौ गथायनाय जागोन होन्ना बुंथियो। बिसायख ‘थि फोसावदिंनाय मेलयाव २८ नं. गसाइगाव बिधान सभा बियाबनि बिपिएपनि बिजाथि ध्रुब कुमार नाजरी, गौथुमआरि सोद्रोमा मृगुन्जय नाजरी, बाराग’ गौथुमआरि सोद्रोमा आन्दुल खालेक मन्दलमोनजों लोगोसे माखासे दोलोआरि दैदेनगिरिफोरा बिबुंथि होदों।□

## बड ‘लेन्ड शिल्क पार्कखौ नायगिदिंफ़ैदों मिरु सरकारनि सानै मावख ‘गिरिफोरा

दिन्थिनायनि थाखाय चीन हादतआव दावबायहैनो खाबु मोन्नाय चिरां जिल्लानि बिजनी पानबारि ओन्सोलनि १ नं गाराबदार गामिनि थागिबि सर्वेश्वर बसुमतारनि न’थाव नुजाथि हैदों। बिसोरि सानै मिरु सरकारनि मावख ‘गिरिफोरा बिथा सर्वेश्वर बसुमतारनि मुगा आबाद मावनाय आरो मुगा खुन्दु दिहुन्नायखौ नुनानै गोजोन्यायजों बाछायो आरो बिथांनो गावनि बे हाबाखौ फोजौखानायनि थाखाय सरकार फारसेनिफ़्राय जेसेबां हायो हेफाजाब होनो खोथा होयो। मावख ‘गिरिफोरा पानबारि बड’फा एग्र’ अरगानिक प्रइइसार कम्पनी मुनि मोनसे एनजिअयावबो दावबायहैदों। जाय एनजिअआ सरकारनि हेफाजाबजों टेक्सटइल बिफाननि आवथायाव दानाय–लुनाइ, मुगा–इन्दि बायदि दिहुन्नाय आरो जौगा होनायाव गोख़ोडै’ खामानि मावबोगोन। बेनि अनगायैबो बाक्सा जिल्लानि बरमायाव थानाय हेन्ड्लुम एन्ड टेक्सटइल एप्येरेल पार्कआवबो मावख ‘गिरिफोरनि हान्ज्याया नुजाथि हैनानै जायगानि दिहुन्थाय थासारिखौ खौगं लाहैयो। दिनै कक्राझार दावबायफेनानै मावख ‘गिरिफोरा बिटिसिनि प्रिन्सिपाल सेक्रेटारि, बिफानारि नेहाथारि, सेरिकाल्सार बिफाननि सिएइचडि, हेन्ड्लुम एन्ड टेक्सटइल बिफाननि सिएइचडि आरो हाग्रा बिफाननि माखासे मावख ‘गिरिफोरखौ लानानै आदाबारियाव थानाय बड’लेन्ड शिल्क पार्कनि सावराय नब्लाइव बिटिआरनि दानाय–लुनाइ, मुगा, इन्दि बायदि दिहुन्थाय आयदाजों लोगोसे गुबुन गोबां आयदाफोरनि सायाव मोनसे गोनांथार मेल जथुमनाय जायो।□

## डिब्रुगइनि बगिबिल साखाथि खोला फारसेथिं जायगाखौ नायसंफ़ैदों मिरु मन्थि सर्बानन्द सनवालआ

दैथायहरनायफोराबो फेदोंमोन। आसामनि रांखान्थि थासारि सोरजिनायाव डिब्रुगइनि दैसा गाथोननि बिफावआ जारिम्नारि महरै मख’जथाव। नाथाय उन समाव बे गुथालआ बन्द’ जादोंमोन। बेनि थाखायनो बे बिथिंआव डिब्रुगइनि आगुनि बिहोमाफोरखौ फिन लाबोफिन्नायनि थाखाय जोडे थांखि थि खालामदों। बेनि अनगायै मन्थि सर्बानन्द सनवालआ बुंदोंदि, मान गोनां गाहाय मन्थि नरेन्द्र मदिनि थि दैदेनायाव एक्ट इष्ट पलिसिनि गेजेरजों आसाम आरो सा–सान्जायाव आथिखालाव हान्था–मेला, जगाजग राहाया मोजां जादों। बेनि जोहै गासै ओन्सोलआव सोरजिजादों जौगानायनि मोनसे गोदान बिजोंआ। दै लामाया फालांगि, लाबोनाय–दैथायहरनायनि बिथिइव जेब्लायबो सिगांग्रो बिफाव फालिबोदों। बेयो मोनसे गोरलै आरो रुजुनाय महराव बाइइ खरसानि बिजों। नरेन्द्र मदिनि गोख़्रै दैदेनायाव माहारियारि दै लामा नं. २ एबा ब्रह्मपुत्र नद आरो माहारियारि दै लामा नं. १६ एबा बराक– बे मोन्ने दैमानि गेजेरजों बांलादेशनि मंला आरो सितागं गाथोननि जोहै गुबुन गुबुन मुवा–बेसादफोर लाबोनाय–दैथायहरनायनि बिथिइव भारत–बांलादेशनि गेजेराव आथिखालाव गोरोबलायनायनि रदाय खानायाव मुंसाइलायदों। बेनि गेजेरजों जॉनि जायगानि मुवा–बेसादफोरा लुगुनि हाथाइआव थाथाया मोजां जागोन। बेनि अनगायैबो ब्रह्मपुत्रनि साखाथियाव माल्टिमडेल लॉर्जिट्रस पार्क गायसन्नायनि थाखायबो राहा लानाय जादों। आथिखालाव जगिषपायाव बेनि खामानिखौ गोख़ोडै’ मावफुंगासिनो दं। लोगोसेनो गुवाहाटी, पान्डु, धुबुरी बायदिआव ब्रह्मपुत्रनि हान्था–मेला राहाखौ मोजां खालामनायनि थाखाय दैमा–गाथोन लुफुंनायनि थांखि आजावना लानाय जादों। फँगौ समफोराव कार्ग आरो दावबायारि हान्था–मेला मोन्नेखौबो खाबु होनायनि थाखाय डिब्रुगइआवबो बेबायदि मोनसे गाथोन लुफुंनायनि थाखाय नाजानाय जादों होन्नानै सनवालआ मख’यो। मन्थि सनवालआ बुंदोंदि, सागरमाला बिथांखिनि गेजेरजों माल्टिमडेल फोनांजाब जौगाखानाय आफादनि गुबुन गुबुन गुदि बिथा आरो दावबायारि जौगाखानायनि थाखायबो राहा लानाय जागोन। दिनैनि नायसंनाय समाव मिरु मन्थिजों लोगोसे दंफायोमोन मिरु गाथोन, जाहाज हान्था–मेला आरो दै लामा बिफाननि बिबानगिरिफोर, आसाम सरकारनि दै हान्था–मेला बिफाननि गाहाय नेहाथारि के के द्विबेदि आरो बिबानगिरिफोर, सा–सान्जा सिमना रेलवेनि गाहाय बिबानगिरि अनसुल गुप्ता आरो बिबानगिरिफोर।□

## बर’ राव, थुनलाइ, हरिमु, आसार–खान्थि सरैखाथिनि सायाव सावराय मेल

गावनि बिबुंथियाव बे बाश्राखौ बुडे। दैमारीआ बर’ राव, थुनलाइ, हरिमु, धोरोमारि खान्थि, आसार–खान्थिआ सरैखाथि होजानांगोन होन्नानै बुंथिनायजों लोगोसे गोदान मुगानि गेजेराव बर’ हारिनि आसार–खान्थि, धोरोम–खान्थिफोरा गोमालांनो हमदों, बेफोरा जाहाते गोमा लाइ होनानै बिथाइ गोनांथार बिबुंथि लाखियो। आसाम बिधान सभानि मासिगिरि दैमारीआ बर’ हारिनि आसार–खान्थि, हरिमुफोरजों लोगोसे राव, थुनलाइ हरिमुखौ सरैखा खालामनो एबा रैखाथि होनांगोन होन्नानैबो बिथाइा गवनि बिबुंथियाव बुडे।

मख’नो गोनांदि आसाम बिधान सभानि मासिगिरि बिश्‍वजित दैमारीआ सावराय मेलाव बर’ राव, थुनलाइ, हरिमु, धोरोम खान्थि, आसार–खान्थिखौ सरैखाथि होनायनि सायाव गोलाव बिबुंथि लाखियो। सालबारि फरायसालिमानि गोरयुं ख़ जगत चन्द्र बसुमतारीआ बराय बिबुंथि लांरिखनाय आरो सालबारि फरायसालिमानि लेइय गोरयुं ख़ दुलेन चन्द्र बसुमतारी सामब्लायनाय बे सावराय मेलाव एबसुनि बाक्सा जिल्ला कमिटिनि आफादगिरि उमेस दैमारी, सालबारि जिल्ला बर’ थुनलाइ आफादनि आफादगिरि डम्बरधर बसुमतारी, बर’ थुनलाइ आफादनि मिरु मावफुं सोद्रोमा राजेन बसुमतारी, दुलाराय बर’ हरिमु आफादनि बाराग’ आफादगिरि रजनी श्वरगियाारी, सरपेदानि बि ऐइस बि फरायसालिमानि लोगो बिबुंगिरि बिनाराम बर’, खोला बिजनी आदर्श बिद्यापिथ गोजौंसिन गेजेर फरायसालिनि बाराग’ गोरयुं दानिराम फादाडारि, थुनलाइगिरि जमिदार गयारी, सालबारि गोजौंसिन गेजेर फरायसालिनि बाराग’ गोरयुं बरातं बि माराक, सालबारि हिन्जावसा गोजौनि गेजेर फरायसालिनि बाराग’ गाहाय फोरेंगिरिकालेन नाजारी मोनहा आलासि महरै बाहागो लायो। गेदेशार सालबारि महकुमानि गुबुन गुबुन जायगानि गोबां बर’ हारिनि सोलौंथाइगिरि, देखोगिरि, थुनलाइगिरि, मेलेमजिबिफोराबो सावराय मेलाव बाहागो लादोंमोन। सावराय मेलजों लोब्ला लाखिानानै ओन्सोलनि देखोगिरिआ बर’ खुगा मथाइ–मोसानाय दिन्थिफुंनाय जायो।□

## लावदांगुरिआव फेग्रा मुवानि गात्रि गोहोमनि सायाव सांग्रांथियारि मेल

आफाद आरो ८१४ नं सेदामारि गुदि फरायसालि सामब्लाय आफादनि जुथायै बान्जायनायाव खुंजानाय बे सांग्रांथियारि मेलाव उकिल श्याम तुडुआ फेग्रा मुवा–बेसाद बाहायनायनि जाहोनाव रांखान्थि, सावस्त्रि, सम खहा जानायनि अनगायैबो नख’र, समाजाव गोजोन गैयै थासारि सोमजियो होन्नानै मुडे। बिथाइ साउतालि आरो असमीया रावजों मेलाव बाहागो लानाय राइजो–राजाफोरनि सिगाइव हेरिे गोनां बिबुंथि लाखियो। गुबुन फार्सेंथि खौरंगिरि भ्रुमनि रायआ गावनि बिबुंथियाव साउताल हारिनि सुबुइा जरखायै जौजों गब’नानै थानायनि अनगायैबो एन्जर हमनायनि मुइव ५०–६० किल’मिटर जान्थायाव साइकेलजों हान्थिनानै बिफां सिइव एवा औवाबारि सिइव हर बारहोनानै अखानायै न’आव फैफिन्नानै एन्जर बेदरजों जौ लॉनाया आसार–खान्थियाव सोलाय लांनो हमदों। फेग्रा मुवा–बेसादा नख’र, हरिखौ फोजेबस्त्रांनाय बायदिनो आसार–खान्थिखौ रैखाथि होनायनि मुइव नख’र, हरिखौ फोजेबस्त्रांनायखौ माब्लाबाबो गनायथिनाै लानो हाया होन्नानै बिथाइा बुडे। बेनिखायनो फेग्रा मुवा–बेसाद बायदिनो एन्जर हमनायनि मुहाव सम बारहोनायाबो माब्लाबाबो मोजां नइ होन्नानै बिथाइा बुडे बि सांग्रांथियारि मेलाव गाहाय आलासि महरै जाहांगिर हुसेइनआ बाहागो लानानै राइजो–राजाफोरनि गेजेराव बिबुंथि होनानै बाहागो लानाय गासैबो सुबुंफोरनि गोसोखौ मुहि होनो हायो। फोरेंगिरि सफिकुल इस्लाम, डि एन्ट मुंनि एन जि अनि सोद्रोमा सामिना बासमनि मोनहाबो फेग्रा मुवा–बेसादनि ब्राह्मनायनि हेंथायै बिबुंथि लाखियो। गोगो सोलौंथाइनि आबहावा गायसन्नाय, गोर्ग्लेसोनाय समाजखौ गासैबो बिथिनि जौगाथायाव गोसो होनाय माहारियारि कृति फोरेंगिरि बान्था मोनगिरि ८१४ नं सेदामारि गुदि फरायसालिनि गाहाय फोरेंगिरि कृष्ण कान्त दासनि आफादगिरि मासि सामब्लायनायाव खुंफुंनाय बे मेलाव बासुगाव गुरुकुल नेसनेल स्कुलनि उन्दै फरायसुलि निलाक्षी रायआ मोसानानै दिन्थिफुंनायनि अनगायैबो लावदांगुरिगामिनि आदिबासि गथ’सा, लाइमोन, बैसो गोप सुबुंफोरनि दोलोआरि आसार–खान्थियारि हारियारि मोसानायबो दिन्थिफुडे। बे हाबाफारियाव उन्दै फरायसुलि निलाक्षी रायखौ बिहु गामसा आरो शराइजों बरायनाय जायो।

मख’नो गोनांदि बे हाबाफारियावनो गासै सा २२ सुबुंफोरा फेग्रा–मुवा बेसादनिफ़्राय जानगाराव थानो समाय खिर लायो। समाज सिबियारि लक्षीराम हासदानि सामब्लायनायाव खुंफुंनाय बे सांग्रांथियारि मेलनि थांखिखौ बेखेवनानै होयो सेदामारि गुदि फरायसालिनि सामब्लाय आफादनि आफादगिरि लक्षन हेमब्रमआ।□

## चिराडाव फरायसालि नागारनाय फरायसा ..

सोलिफु समाव बे रोखेम मोन ५ सोलेंसालि मिरुफोरखौ डि एन्ट एनजिअआ चिरांनि सर्वसिक्षा अभियानजों लोगो नांनानै सामलायगासिनो। गोर्ग्लेसोनाय सिमना ओन्सोलफोराव सोलेंथायारि थासारिखौ फोजौ खानो थाखाय जौगाखांआरि हाबाफारिनि मोनसे बाहागो महरै गिबि मन्थिनि बिथोन होनाय बायदि्यै जिल्ला खुंथाया बे हाबाफारिखौ जागायदों। जर’खा सोलेंथाय मिरु बेखेवनाय हाबाफारियाव जिल्ला बेंगिरिजों लोगोसे चिरांनि डि इ इ अ आरो स्कुल इन्स्पेक्टर बिजय बैष्णब आरो सोलेंथाय बिफाननि गुबुन गोबां मावफारियाफोरजों लोगोसे डि एन्ट एनजिअनि थान्दै सोद्रोमाफोरबो नुजाथिदोंमोन।□

## राज भवनआव कर्भा सउत फोर्बों फालिदों

बेनिखायनो जों साफ़्रोम आइजो माहारिया गाव–गावनि नख’र संसारखौ गोजोनै दैदेनलांनो आरो गोहो गोरा खालामलांनो लोगोसे गावबा–गावनि आंगो फिसायखौ सन्मान होनायनि असिलायै बे फोर्बोंखौ फालिनाय जायो होन्नानै मख’बावो। मख’नाय जायोदि, कर्भा सउत फोर्बोंआ हिन्दु धोरोमनि मोनसे दोरोडारि फोर्बों। जाय फोर्बोंखौ आइजोफोरा गावबा–गावनि गोजोन नख’र संसार दैदेनाय आरो गावबा–गावनि फिसायनि मोजांनि थाखाय आर’ज खालामनो बे फोर्बोंखौ फालिनाय जायो।□

# 'गुम हे किसी के प्यार में' आव जौहान नख 'रा दासिमबो गणपतिखौ फोजाव हरनो हायाखै

टिभि सिरियाल गुम हे किसी के प्यार में 'आव जौहान नख 'रनि सुबुंफोरा दासिमबो गणपतिखौ फोजावहरनो हायाखै। स्वआव गणपतिफोरबोनि ट्रेकआ बांलांगसिनो दड। 1 दान बारनायनि उनावबो मोनसे ट्रेकआव सोलिनारनि खहाखौ टिआरपनि थाखोआवबो खहा जानानो हागौ। स्वआव दासिमाव नुनो मोन्दोदि, साइआ अपरेशननि उनाव न'आव फेफिनबाय आरो अश्विनीआ बे बाश्राखौ फोसावनानै होदोदि,

साइ आरो भिरतआ आलादा जासिमोन। बे बाश्राखौ खोनानानै पाखिआ गोबां खुसि जायो नाथाय अश्विनीनि थांखिखौ खोनानानै भिरतआबो गोसो सिखव गोबां दुखु जायो। स्वनि सल'आव आथिखालआव आरोबाव मोनसे गिदिर टुइस्टआ फौसिमोन। स्वआव नुनो मोनसिमोनदि, पाखिआ भिरत आरो साइनि आलादा जानायनि फुरा मुलाम्फा खौ लागोन। पाखिआ सिरिये भिराटनि बाथरुमआव थांगोन नाथाय साइ आरो सम्राटआ



पाखिखौ हमनो मोनगोन। पाखिनि सायाव गोबां सोंथि सोंनाय जागोन नाथाय बियो सम्राटनो सोंथिफोरनि

फिनायखौ होनो हानाय नड। पुजानि समाव सनाली आरो अमकारआ साइखौ लाजिफोनगोन। सनालीआ साइखौ मावरिया आयजो होना

बुंगोन आरो अमकारआ खोथा होगोनदि साइनि जाहोनाव सासे चौहान नख 'रआ बायलांगोन। सनालीनि बाश्रा बुंनायखौ खोनानानै सम्राटआ रागा जोंगोन। सम्राटआ साइखौ गावनि बिनानाव होन्ना फोरमायगोन। भवानी आरो अश्विनीआबो साइखौ सापट खालामगोन। आथिखालाव नायनांगौदि, स्वनि सल'आ माबेथिं आवगयलांगोन। भिराटआ दासिमबो गावनि आरो पाखिनि सोमोन्दोखौ लानानै उदाडै बाश्रा बुंनो हायाखै।

# गाहाम देहानि राहा

## सानसेयाव मोन 6 खिजुर जायोब्ला आइजोफोरनि थाखाय जोबोद मुलाम्फा गोनां

खिजुरआ रोखोमसे सुपारफुड जायखौ जानायजों माखासे गाहाम मुलाम्फा मोनो। आइजोफोरनि थाखाय खिजुर जानाया जोबोद मुलाम्फा गोनां जायो। एक्सपार्टनि बायदिब्ला खिजुरनि सिखव हेल्डी फेट्स, सडियाम, डाइटरी फाइबर, नेचारेल शुगर, प्रटिन, भिटाविन डि, आयरन आरो पेटेशियाम थायो। गोरबोयाव थानाय समाव लिभार पेनआ जोबोद गोब्राब जायो। नाथाय एक्सपार्टफोरनि बायदिब्ला खिजुर जानाया लिभार पेनखौ खम खालामनायाव मदत खालामनो हागौ। हेल्थलाइननि रिपर्टनि बायदिब्ला खिजुर जानाया ब्लाड साकु'लेशनखौ बारायहोनायाव मदत खालामो। जायजों गोरबोयाव थानायव लिभार पेननि समाव



खम जानायजों मोगा-मोगि जानाडो। बे खौराडा मोनसे नायबिजिरनायनि उनाव नुजाथियो, जेराव गोरबोयाव थानायफोरा सानफ्रोमबो 6 था खिजुर जाया आइजोफोरनि लिभार पेनआव खम जानाय नुनो मोनो। 1. खिजुर जानायजों इनफेक्सन एबा बेमार होबथाग्रा गोहोया जौगाखाडो। मानोना बेयाव एन्टि-अक्सिडेंट्सआ गोबां बिबांनि थायो, जाय देहानि जिबखिफोरखौ बेमारफोर निफ्राय रैखा मोनहोयो। 2. खिजुर जानाया खर' मेलेमनि थाखाय मुलाम्फा गोनां जायो। मानोना बेयाव एन्टि-इनफ्लामेटरी गुन थायो जाय खर' मेलेमनि जिबखिफोरनि इनफ्लामे शनखौ खम खालामनानै बिसोरनि गोहोखौ जौगाखांहोयो। 3. खिजुरव थानाय केलिसियाम, मेगनेसियाम, फसफरास, पेटेशियाम बायदि देखोग्रा-लावहोग्रा बेगेंफोरखौ गोखौ खालामनायाव मदत खालामो।

## स्लामड 'ग मिलिअनारनि फ्रीडा पिन्टआ दासान्दि देलायनायाव गोसो होदों



गुफुर गाबनि मनकिनीआव गोबां समायना नुदों। सावगारिफोराव फ्रीडाखौ बार्टन स्प्रिन्स पुलआव आराम खालामनाय नुदों। बियो सावगारिफोरखौ शोयार खालामनानै लिरदों, वाह आंनाव बेयो बेसेबां बोसोर थादों आरो सोलौनायाव गोबां प्रप्रेस जादों आं गोजोन अन्याय आरो उदां गोसोजों लोगोसे बे जिडनि गोदान एपिसडआव थानो गोसो होसारनानै नेना दड। आंनि गोसोआ बे गोदान जिडनि थाखाय अन्याय आरो आसा खालामनायजों लोगोसे आवगयलांदों। आंनो अन्याय हेफाजाव आरो जोनोम साननि गाहाम हामलायथि जासिहरनायनि थाखाय साबायखर। ब्रिटिश कानाडानि फावखुंगि हिमनआ गावनि परस्टआव कमेन्ट खालामदों आरो लिरदों गोबां समायना फारसेथिं आइसलेन्डिक क्रसफिट एथलीट के टरीना तन्जाया लिरदों समायना, हेप्पीएस्ट अफ हेप्पी बार्थडे फ्रीडा। माखासे सान सिगां फ्रीडाया गावनि गद भराइनि माखासे गोमोथाव सावगारिफोरखौ शोयार खालामदोंमोन। फ्रीडा आरो करी द्रानआ नभेम्बर 2019 आव आस्थाम सोदों मोन। फावखुंगिया बे खौरंखौ गावनि फेन्सफोरजों लोगोसे इन्सटाग्रामआव शोयार खालामदोंमोन।

अस्कार मोननो हानाय सावथुन स्लामड 'ग मिलिअनारनि फावखुंगि फ्रीडा पिन्टआ सशेल मिडियाआव गावनि गोदान सावगारिफोरनि जाहोनाव साग्लोबसारनानै थादों। फ्रीडाया थाबैनो गावनि गिबि फिसाखौ जोनोम होसिमोन। बियो बावैसो समाव गावनि जोनोम साननि खाबुआव बिकिनी गानानै बेबि बाय्मजों लोगोसे बल्ड फटशुट खालामजादों। बे गोदान सावगारिफोराव फावखुंगिखौ गावनि प्रेनेन्सियाव इन्जय खालामनाय नुनो मोन्दों।

मखनो गोनांदि, फ्रीडा पिन्ट'आ गावनि आस्थाम सोनाय क'री द्रानजों लोगोसे गावनि गिबि गथ'खौ आसा खालामदों जाय सासे लस एन्जेलिस एबा हलीउड इन्डास्ट्रिनि मुंदांखा फटग्राफर। आथिखालाव द्राननि फटग्राफनि जलवाखौ बनि गार्लफ्रेन्ड फ्रीडा पिन्टनि सावगारिफोराव नुनो मोन्दों। फावखुंगिया सशेल मिडियाआव गावनि माखासे समायना सावगारिफोरखौ शोयार खालामदों। फ्रीडाखौ गावनि बेबी बाय्मखौ प्लान्ट खालामनाय नुनो मोन्दों। बिखौ

## रूपाली गांगुलीआ नंगुबै अनुपमा नड

नंगुबै अनुपमाया रूपाली गांगुलीनि अनगायै गुबुन आसो। रूपाली गांगुलीनि सिगां बे फावखौ इन्द्राणी हलदरआ खालामदों। माखासे सुबुंफोरा इन्द्राणीखौ स्वआव माब्लाबाबो नुनो मोनाखे होन्ना गोमोदों जानांगौ। मखनो गोनांदि, अनुपमाखौ टिभि सिरियालनि नंगुबै सल' श्रीमइ टिभि सिरियालनिफ्राय लानाय जादों एबा अनुपमाया श्रीमइनि रीमेक। श्रीमइआव अनुपमानि दोहौ गोनां फावखौ इन्द्राणी हलदरआ खालामदों, जाय गोदान अनुपमा बायदिनो गोबां दोहौ गोनां जादों। मखजाथावदि, श्रीमइआ मोनसे बेंगली सिरियाल जायखौ स्टार जलशायाव आथिखालाव फोसावदि खालामदों। बेनि प्रिमियरआ 10 जुन 2019 आव जादोंमोन आरो सिरियालआव श्रीमइनि फावखौ इन्द्राणी हलदरआ खालामदों। इन्द्राणी हलदरआ भारतीय फावखुंगि जानायजों लोगोसे बेंगली सावथुननि एक्टिभ फावखुंगि। बेंगली इन्डास्ट्रीआव बनि हाबाफारिखौ गोबां मोजां मोन्याय जायो। फावखुंगिखौ खनसे नेशनेल एवार्ड मोन 3



बिफजेए बान्था आरो मोन 2 आनन्दाल बान्थाजों सन्मान होनाय जाखांबाय। इन्द्राणी हलदरआ बिआर चपडानि स्व मां शक्ति'आव गाहाय फाव खालामदोंमोन। बियो माखासे हिन्दी टीभि स्वफोराव फाव खालामखांबाय। हिन्दी इन्डास्ट्रीआव फावखालामनो थाखाय बियो 2008 आव मुम्बाइआव फेदोंमोन। 2013 सिम बिखौ हिन्दी इन्डास्ट्रीआव फाव खालामनाय नुनो मोन्दों, इन्द्राणी हलदरआ बलिउड स्टार मिथुन चक्रवर्तीजों लोगोसे बनि सावथुन भेख 'आवबो फाव खालामदों। बेंगली इन्डास्ट्रीआव इन्द्राणी हलदानि हाबाफारिखौ अरायसम ऋतुपर्णा सेनगुप्ता आरो देबश्री रायजों रुजुनाय जायो। इन्द्राणीआ मोनसे बेंगली सावथुनआव रानी मुखर्जीजों लोगोसेबो फाव खालामदों।

## सावथुननि सेटआव सिनेमा फट'ग्राफारनि जिउ गोमादों, डिरेक्टरआबो जोखोम जादों

हलिउड डेस्क: सावथुनफोराव माखासे खेब गावनि एरैबादि सीनखौ नुदों जानांगौदि सोरबा सुबुड गोरोस्थिये गुलि गावदों आरो सोरबाया थैदों। नाथाय बावैसो समाव सावथुननि सेटआव मोखथाडव एरैबादि जाथाय जादों, जेराव फावखुंगुरआ सेटआव गोरोस्थिये गुलि गावफलांनयाव थोंजोडै सिनेमाट'ग्राफारनियाव नांहेयो, जाय आथिखालाव थैबाय। इन्टारनेसनेल स्टार एलेक बाल्डभिनआ मोनसे शुटिनि समाव गावनिनो क्लू मेम्बरनि जिउखौ फोजोबदों। बेनि अनगायै बे सावथुननि डिरेक्टरआबो बे जाथायाव जोखोम जादों। मख 'नो गोनांदि, फावखुंगुर एलेक बाल्डभिनआ गावनि रिलीस जानो गोनां सावथुन रस्टआव गोरोस्थिये गुलि गावफलांदों। जर'खा बाश्राया बेनि बे जाथाया बे हाथियारजों जादों, जायखौ सावथुनआव बाहायनाय



जादोंमोन। सावथुननि सेटनि मोनसे सावगारियाबो ससेल मिडियाआव भाइरल जादों। सावथुन रस्टनि शुटिखौ निउ मेक्सिक 'नि सान्ता फेआव बनान्जा क्रीक रेन्चआव खालामनाय जादोंमोन, नाथाय बृत्पतिवारखालि सेटआवनो बे जाथाया जादों। बे जाथायाव सावथुननि सिनेमाट'ग्राफार हलिना हचिन्सआ जिउ गोमादों। हचिन्सआ 42 बोसोरनिमोन। बेजों लोगोसेनो सावथुन लिरगिरि आरो डिरेक्टर जएल सुजा(48) आबो बे जाथायजों जोखोम जायो। बे केसआव सौहेनाय पुलिसआ बुंदोंदि, बेवहाय दासिमबो रावबो दायनिगिरिनि केसखौ थिसन्नाय जायाखै। नाथाय दासिमआव जाथायनि नायबिजिरनाया सोलगासिनो दड। बेयो रोखा जायाखैदि, प्रप हाथियारआव गुलिफोरखौ मानो सोनाय जादोंमोन। आथिखालाव बे केसआव बाल्डभिन, सुजा आरो सावथुन रस्टजों सोमोन्दो गोनां बानायगिरिफोरनि मावसुमाफोर सिरिये दड।

## कुझ्गलखौ 94 थि अस्कार एवार्डनि थाखाय भारतनि फारसे दैथायहरदों

पि एस भिनथराजनि डायरेक्सनआव बानायनाय सावथुन कुझ्गल (केकड) खौ 94 थि अस्कार एवार्डनि थाखाय भारतनि फारसे दैथाय हरनाय जादों। 15 सोद्रोमाफोरजों सायख 'जानायनि कमितिनि आफादगिरि शाजी एन.करुणआ बेनि खौरंखौ फोसावदों। 2021 नि थाखाय अस्कार एवार्ड इभेन्टखौ 27 मार्च 2022 आव लश एन्जिल्सआव खुंनाय जागोन। सावथुन फेडरेशन अफ इन्डियानि गाहाय सेक्रेटारि सुप्राण सेनआ फोमायदोंदि, कुझ्गलखौ अस्कारआव भारतनि अफिशियल एन्ट्रिनि महैर दैथाय हरनायनि थांखिखौ ज्युरिनि गनायथिजों लानाय जादों। कुझ्गलआ सासे जौ लोंग्रा बिफा आरो बनि



फिसाजलानि गेजेरनि सोमोन्दोनि सायाव बिथा खालामनाय सावथुन। बेबो गावनि बिमा बिफानि न'आव थानाय बिसिखौ लायफिन्नो थाखाय बिफाजों लोगोसे फिसाजलानि दावबायनाय। बे सल'आ सावथुननि डायरेक्टर भिनथराजनि नख 'रनि सायाव

जानाय मोनसे नंगुबै जाथायनि सायाव बिथा खालामनाय। सावथुनआ बे बोसोरनि जगायजेनायाव नेडारलेन्डआव खुंनाय 50 थि हारिमायारि सावथुन फेस्टिभेल रटरडेमआव टाइगर एवार्डखौ देहराखांबाय। सावथुनखौ नयनतारा आरो भिग्नेश

श्विनआ प्रडिउस खालामदों आरो बेनि मिउजिक खौ इउवान शन्कर राजाया कम्पज खालामदों। कुझ्गलआ हादतनि गासै 14 गुबुन सावथुनफोरखौ उन खालामनानै गावनि जायगा बानायदों, जाय अस्कारआव थानो दावबायदोंमोन।

## बिग बस 15 आव माखासे थासारिफोरखौ लेभेलनि बांसिन जानायनि अजद सिखारदों

टिभिनि बयनिखुडबो जेना गोनांसिन रियेलिटि स्व बिग बसआव बे खेवआव माखासे थासारिफोरनि लेभेलखौ गोजौआव थानाय नुनो मोन्दों। एक्सन एबा रमान्टिकआव बादायारिफोरखौ मोनफ्रोमबो के सआव बांदाय आखु दिन्थिनय नुनो मोन्दों। मोजां बाश्राया बेदि हाग्रा बारिनि बादायारिफोरबो गाहाय ननि बाहागो जाबाय आरो आथिखालआव जाय थासारिफोर सोमजिगोन बेफोरो गंसे न'नि सिखवनो जागोन। बादायारिफोरनि लिमि्ट क्रस खालामनायनि बाश्राखौ बुडोब्ला



तेजस्वी प्रकाशआ माखासे खेब भिशाल कटियननि हेंथायै अजद होनाय नुनो मोन्दों। तेजस्वीआ भिशालनि सायाव गात्रि रोखोमै आखु दिन्थिनय आरो

नेमखान्थिखौ नागिरोदि, गाव बनि आखुजों साहसगैयैखौ मोन्दांथियो नाथाय बियो गात्रि आखु दिन्थिबाय थायो। जय भानुशालीजों लोगोसे बाश्रा सावरायनायाव तेजस्वी प्रकाशआ बुंदों आं गोबां रियेल। आं माब्लाबाबो रावनिबो सोमोन्दै रायखोमायाखै नाथाय बनि हिउमारआ मा? फारसेथिं जयआबो तेजस्वीनि बाश्राजों गनायनानै बुंदोंदि, गावबो भिशालनि आयजोफोरनि फारसे राव दिहुनायखौ लाजिनांथाव मोनो।

# अस्ट्रियानि सेन्चेलरआ सुबुंफोरखौ भेक्सिन थुजायाब्ला लकडाउन होनो सांग्रांथि होदों

भिचेना, 24 अक्टबर: अस्ट्रियानि सेन्चेलर आलेक्जेन्डर शोलेनबार्ग आ हादरआव बारायनाय करनानि केसफोरखौ लानानै सांग्रांथि फोसावदों। बेनि सोमोन्दे शोलेनबार्गआ हादरआव जाय सुबुंफोर टिका थुजायाखे बिसोर होबथानायफोरजों मोगा-मोगि जानांनो हागौ होनानै बुंदों। जुदि करना भाइरासनि केसआ बारायोब्ला सुबुंफोर लकडाउनजों सोमोन्दे थानाय होबथानायफोरजों मोगा-मोगि जानांनो हागौ। बेनि सिगां शोलेनबार्गआ थानाय शुक्र बाराखालि राइज्योयारि थाखोनि दैदेनगिरिफोरजों लोगोसे जथुम खुंनानै थाबैनो बारायनाय केसफोरनि सायाव नायबिजिरनायनि सोमोन्दे सावरयो। बिथाडा फोसावनाय बादिब्ला, जुदि हादरनि देहा फाहामसालिफोरनि गासै आइसिडउ गोहोनि 25 जौखोन्देआव कभिड-19 नि



बेरामिया एडमिट जायोब्ला रेस्टुरेन्ट आरो हटेल बायदि जायगाफोराव खालि टिका थुखांजानाय सुबुंफोरखौल' हाबहोनाय जागोन। आथिखालाव आइसिडउआ कभिड बेरामिफोरनि अन्जमाया सा 220। सावस्रियारि बिबानगिरिफोरनि बादिब्ला, थानाय सप्ताहसेनि गेजेराव अस्ट्रियाआ भाइरासनि सा 20,408 गोदान केस मोन्नाय

जायो, जायजों 1 लाख थागिबिफोरनि सायाव 7 सानआव 228.5 जौखोन्दे जाहैयो। नाथाय सप्ताहसे सिगां बे अन्जमाया 1 लाख थागिबिफोरनि सायाव 152.5 मोन। आथिखालाव अस्ट्रियानि सरकारआ नोगोरिफोरखौ टिका थुजानो थाखाय थुलुंगाखांहोदों। नाथाय बावैसो समनि दानफोरव बे नाजानाय लोरबां जानो हमो। हादरआव दासिमआव गासै

थागिबिफोरनि गेजेराव गासै 65.4 जौखोन्देनो टिकानि मोनसे ड्रप होखांबाय। बेयफासै 62.2 जौखोन्दे सुबुंफोरनो आबुडै भेक्सिन थुखांबाय।

# ताइवाननि जेनायाव आमेरिकानि आखाइ होनायखौ सा करियाआ बैरेखा खालामदों

गोदान दिल्ली, 24 अक्टबर: ताइवाननि जेनानि सायाव सा करियाआ चीननि मददआव उदाडै बाथा बुंदों। सा करियानि जानानै आमेरिकाया जेनानि सायाव गाहाय बिफाव लानानै बाइडेननि खुंथाया बिजिरनाय गैयालासे ताइवानजों लोगोसे मदद खालामनायनि बाथा बुंदों। सा करियाआ आमेरिकानि चीननि हेंथायाव जेना आरो जिंगानि बांनानयनि जाहोनखौ आमेरिकानि ताइवाननि सायाव गाहाय बिफाव लानायखौ मोनसे जाहोन फोरमायो। लोगोसे आमेरिका नैभनि ताइवान आरो बेनि साखाथिफोरव नुजाथिहैनाया सा करियानि थाखाय जेना गोनां



होन्नानै बुडे। सुलुनि बादिब्ला, करियानि लेडाइ गुबुन हादरयारि मन्थि पाक मायांनि मावख'निफ्राय फोरमायनाय बादिब्ला, आमेरिकाया ताइवानसिम हाथियार हरनाय

आरो बेनि सान्थिफोरखौ ट्रेनि होनायनि थांखिजों जुथायै ताइवानआ गावसोरनि सान्थिफोरखौ जलडमरुनि गावसोरनि दावहानांनो ग्रा गाथोनआव दैथायहरनायनि

सायाव सावरयज्जायदों। खौरं एजेन्सिनि बादिब्ला, सा करियाआ ताइवानजों सोमोन्देआव थानाय गासै जेनाफोरखौ चीननि इसिडारि जाहोन मानिनानै लायो। बेफोर जाहोननि जाउनाव गुबुन हादरनि बाहागोयारि जानायखौ गनायथावना होन्नानै मानिना लायाखै। मायांनि बादिब्ला, आमेरिकानि माखासे अखायै लानाय थांखिया महाद्वीपआव जेनाखौ बारायनो हागौ। मायांआ बेफोर बाथाफोरखौ आमेरिकानि हादरगिरि ज' बाइडेननि ताइवाननि सायाव चीननि गाग्लोबनायनि जेखि-जाया थासासिआव मदद होगोननि बाथा होनायनि उनाव बुंदों।

# एनएडसआइडिसिएलआव बिबानगिरिफोरनि मासिया लांदां जानानै थानायनि जाउनाव चीन-पाकिस्तान सिमनायाव लामा बानायनाया गोबाव जालांदों

गोदान दिल्ली, 24 अक्टबर: भारत सरकार चीन आरो पाकिस्तान सिमायाव गोखैयै लामा नेटवार्क बानायनायाव नांथाबदों। नाथाय एनएडसआइडिसिएलआव जौसिन बिबानगिरिफोरनि मासिया लांदां जानानै थानायनि जाहोनाव लामानि बिथांखिफोरव गोबाव जानो हमदों। बिफानआव थिसन्नायखौ लानानै गाहाय मन्थि मावख' आरो मिरुआरि सेक्रेटारि मावख'नो खेबनै लाइजाम लिहरखांबाय। नाथाय दासिमाव बिफानाव रावखौबो थिसन्नाय जायाखै। एनएडसआइडिसिएलनि आगुनि एमडि के.के. पाठकखौ थांनय दानाव प्रन्ततिनि उनाव बिहार केडाखौ दैथायहरफन्नो। बेखौ नोजोर होनानै लामा हाथा-मेला आरो राजा लामा बिफाननि जुथाइ कमलेश चतुर्बेदिआ थांनय 1 अक्टबरवाव गाहाय मन्थि मावख'आव थानाय जुथाय सेक्रेटारि सि श्रीधर आरो



मिरुआरि सेक्रेटारि मावख'आव थानाय जुथाइ सेक्रेटारि अमनदीप गगेनो लांदां जानानै थानाय मासिफोरखौ आबुं खालामनो थाखाय लाइजाम लिहरयो। बेनि उनावबो जेबो नाइबिजिरैखौ नुनानै बिथाडा सप्तासेनि गेजेरावनो एवा 7 अक्टबरवाव सानै बिबानगिरिफोरनो लाइजाम लिहरयो। बेनि गेजेरजों एनएडसआइडिसिएलनि बिथोनगिरि उफ्रा बिबानगिरि मावख'नि जुथाइ सेक्रेटारि महम्मद अहमदनो 1 अक्टबरवाव

गाथयो। एमडि केके पाठकआ सिगाडवनो मुल केडावआव थांखांबाय। बेबायदियाव जौसिन थाखोनि बिफानआव मोननै मासिफोरा खालि जानायनि जाहोनाव सानफोमबो जानो

गोनां खामानिफोरा थाब जायाखै। बेनिखायनो थाबैनो लांदां जानानै थानाय मासिफोरनि थिसन्नायनि गोनांथि जादों। खौरंनि बायदिब्ला एनएडसआइडिसिएलआ 2

लाख कौटिनि बेसेननि राजा लामा बिथांखिफोरनि सायाव खामानि मावगासिनो दड। बेयाव गाहायै चीन आरो पाकिस्तान बडार रड कानैक्टिभिटि आरो टेनेल बिथांखिफोरा दंफायो। नाथाय गाहायफोरनि आंखालाव गोदान लामा आरो टेनेल बिथांखिफोरखौ गनायथि होनायाव गोबाव जानो हमदों। बेरा फारसे बेयो सोलिनाय बिथांखिफोरनि सायावबो गोहोम खोखैदों आरो सरकार बडारआव चीनजों जेनाखौ नोजोर होनानै गासै बिथांखिफोरखौ थि खालामनाय समनि सिगांनो आबुं खालामनो थांखि लादों।

# हादतआव करना पजिटिभ केसआ सरासन्त्रायै बाफिन्दों

गोदान दिल्ली, 24 अक्टबर: हादतआव फोर्बोनि बोथोर सोलिगासिनो। अदेबानि बेनि गेजेरावनो करना पजिटिभ केसखौ सरासन्त्रा बांनय मोनगासिनो थादों। थांनय सानाव 15,906 गोदान करना पजिटिभ केस मोन्दों। हादतनाडैनि करना पजिटिभ केसआ सामलायजानानै दडब्लाबो बबेबा-बबेबा राइज्योफोरनि करना पजिटिभ केसआ जिंगा सिहोदों। बेनि गेजेराव फासैथिरेहायनि बाथाया जादों करनानिफ्राय रिक्भारि जानायफोरनि अन्जमाया फारियैनो बांबोदों आरो थैनायफोरनि अन्जमाया दावखलायबोबाय थादों। अब्लाबो थैनाय अन्जमाया हादतनाडै 500 नि गाहायाव



फैयाखै। थांनय 24 घन्टयाव करनानो हादतनाडै गासै सा 561 जिउ गोमादों। गोदान रिपर्टनि बादिब्ला हादतआव रिक्भारिनि हादतनाडै 98.17 जौखोन्दे आरो सा 16,479 बेरामिफोरा डिसेच जायो बेखौ लाफानानै गासै मोजां जाफिन्नाय अन्जमाया 3,35,48,605 जाबाय। बेनि उनाव सा 1,72,594 बेरामिफोरा फाहामथायाव दं। सप्ताहयारि

पजिटिभनि हादतनाडै थांनय 30 साननिफ्रायनो 2 जौखोन्देनि गाहायावनो थादों। आथिखालाव बे हादतनाडै 1.23 जौखोन्दे जाना दड। एक्टिभ केसआ हादतनि गासै करना पजिटिभ केसफोरनि 0.51 जौखोन्देआव दड। फासैथिं हादतनाडै गोखैयै सोलिबाय थानाय करना भेक्सिन थुनायजों गासै 102.10 कौटि ड्रप थुखांनय जाबाय।

# मुलुगनाडै गिखंथाव भाइरास गोसारनायनि गिथावनाया बांसिनबोनो हमदों: रिपर्ट

गोदान दिल्ली, 24 अक्टबर: थांनय माखासे बोसोरफोरव मुलुग दुंखावनाय जेनाया गासै हादतफोरनि गोबां आयदाफोरव जेनाखौ बांहोदों। बावैसो सिगां लास्टे जार्नेलआव सेबखानाय मोनसे रिपर्टआव बोथोर सोलायनायनि जाहोनाव सुबुंफोरनि सावस्रिया गोलैनाय गाञ्जि गोहोमखौ लानानै मख'जाथाव खौरंआ सोराडव फेदों। बे रिपर्टनि बादिब्ला बोथोर सोलायनायनि जाहोनाव जानो गोनां सावस्रिजों लोब्बा थानाय जेनाफोरा फारियैनो बांबोगासिनो। बेयाव गरमजों जानो गोनां थैनायफोर, सन्देग्रा बेरामफोर आरो उखैहाबनाय बायदि जेनाफोरखौ मख'दों। बेजों लोब्बा थानाय मोनसे रिपर्टआ मुलुगनि आरो गुबुन मोनसेया आमेरिकानि सायाव मिरु खालामनाय। बे रिपर्टखौ कड रेड फर ए हेल्डी प्युचार मुंबो होनाय जादों, जेराव

बुंदोंदि, बोराय-बुरै आरो उन्दैफोर बयबो बोथोर सोलायनायनि जेनाफोरनि मैहुर जानांगासिनो दं। गोबां अन्जमानि सुबुंफोरा बेबादि ओन्सोलफोराव जिउ खानासिनो, जेराव बोथोर सोलायनायनि जाहोनाव बबेबा बेराम गोसारनायनि आसा दं। लैथोमानि बोसोर ओन्सोलफोरा बेक्टेरिया गोसारनायनि थाखाय मोजां जायगा। माखासे निखावरि हादतफोरा 1950 माइथायजों रुजुनायाव आथिखालावबो बोसोरनि बांसिन सानफोरसिम मेलेरिया बेरामा जाफेलाय थानो हमदों। बेबादि हादतफोरनि गेजेराव भारतआबो दं जेराव 2 दानफोरसिम भारतनि माखासे राइज्योफोरव डेंगु, मेलेरिया आरो भाइरास फिबार्नि केसफोरा बांबोदों। लोगोसेनो बेफोरजों जिउ गोमानायफोरावबो बांनयखौ नुनो मोन्दों।

बेक्टेरिया एवा जिउसाखौ लानानै सांग्रांथि लाखिबोब्ला गोबां बिबांसिम थासारिया मोजांआव थानो हागौ। फासैथिं बोथोर सोलायनायनि जाहोनाव मैला गैयै गोगो बार आरो दै मोनफुंनयाव गोबां जेना जागासिनो। दै बाना, रनस्राव बायदि थासारिफोरजों जाग्रा आदारनि आंखालबो जानो हागौ। हुनि मोनसे रिपर्टआव बुंनय जादोंमोनदि, बोथोर

सोलायनायनि जाहोनाव 2030 माइथायनिफ्राय 2050 सिमाव बोसोफ्रामबो 2.5 लाखनिखुइ बांसिन सुबुंफोरा उखैहाबनाय, मेलेरिया, डायरिया आरो दुंखावनायनि जाहोनाव थैनो हागौ। फासैथिं गाहाम सावस्रिनि बिथिडव जानाय खहाखौ नोजोर होयोब्ला 2030 माइथायसिमाव बोसोराव 2-4 अरब डलार जागोनखौ हमदंनय जादों।

ओन्सोल महरै सिनाय जानाय ओन्सोलफोर आरो 5 जौखोन्देनिखुइ बांसिन इन्फेक्सन जानाय जिल्लाफोराव जायखि-जाया पोर्बो खुंनयनि गनायथि होनो नाडा। बेनि अनगायै फोर्बोफोरनि समाव सांग्रां जानो थाखाय सोमोन्दे गोनां

राइज्यो सरकारफोरनि गेजेरजों सिगाडवनो गोनांथि जानाय बिथोनफोरखौ फोसावनांगौ। लोगोसे कभिडजों सोमोन्दे गोनां आखुफोरखौ सिफायनाय केसनि सायाव नायबिजिरनो थाखायबो सरकारआ थांखि लानांगौ। मख'नो गोनांदि, मिरु

थांखिखौ आजावदों। तुर्कीआव असमान कबलाया थांनय 4 बोसोरनि फायनो जोबथेसालिआव जोबजानानै दड। बिन सायाव सरकारनि हेंथा सोमावसारनायनि थाखाय रंखान्थि जमा खालामनायनि दाय जाबसिन्नाय दड। बावैसो सिगाडव फाइनान्सिएल एक्सन टास्क फर्सनि फासैनिफ्राय फोसावनाय ग्रे लिस्टआव तुर्कीआबो दंफायो। दर 10

हादरफोरनि थान्दैफोरखौ हादरनिफ्राय दिहुनहरनायनि सायाव इडरपीय हादरफोरा फिनजाथाय होनायखौ नुनो मोन्दों। नवैआ बुंदोंदि, गावनि हादरनि थान्दैफोर बेबादि जेबो खामानि मावाखै। सुड्डेन, नवै आरो नेडारलेण्डआबो गावसोरनि थान्दैफोरखौ तुर्कीआ हादरनिफ्राय एरनहरनाय बिथोननि जेबो मावख'यारि खौरं मोनाखै होन्नानै बुंदों।



आंकारा, 24 अक्टबर: तुर्कीनि हादरगिरि रेसेप तेयप एर्दगानआ आमेरिका, जार्मानीजों लोगोसे मुलुगनि दर 10 हादरफोरनि थान्दैफोरखौ हादरनिफ्राय ओंखारलांनो बिथोन होदों। हादरगिरि एर्दगानआ गावसिनि गुबुन हादरयारि मन्थि नो बैसोर थान्दैफोरखौ हादरनिफ्राय थिनहरनायनि बिथोन फोसावनो थाखाय बिथोन होदों। बिसोर थान्दैफोरखौ बै हादरआव परसना नन ग्रेट एवा गोनांथि गैयै सुबुं होन्नानै फोसावदों। मख'नो गोनांदि, बेफोर हादरफोरनिफ्राय जोबथेसालिआव जोबजानाय सिभिल ससाइटिनि लिडार असमान कबलाखौ हगारनायनि दाबि दैखांदोंमोन। बेनि फिनजाथाय महरै तुर्कीआ बे

# फोर्बोनि सिगां सिगां मिरु सरकारआ करनानि एडभाइजारी फोसावदों

गोदान दिल्ली, 24 अक्टबर: मिरु सरकारआ राइज्योफोर आरो मिरुजों खुंजानाय राइज्योफोरनो लिहरनाय लाइजामआव बुडोदि, कभिड केसफोराव बारायनायनि सायाव सामलायनो थाखाय एसअपिखौ फालिनांगौ। बे लाइजामआव भुषणआ बुडोदि, होबथाजानाय

राजेश भुषणआ राइज्योफोर आरो मिरुजों खुंजानाय राइज्योफोरनो लिहरनाय लाइजामआव बुडोदि, कभिड केसफोराव बारायनायनि सायाव सामलायनो थाखाय एसअपिखौ फालिनांगौ। बे लाइजामआव भुषणआ बुडोदि, होबथाजानाय

ओन्सोल महरै सिनाय जानाय ओन्सोलफोर आरो 5 जौखोन्देनिखुइ बांसिन इन्फेक्सन जानाय जिल्लाफोराव जायखि-जाया पोर्बो खुंनयनि गनायथि होनो नाडा। बेनि अनगायै फोर्बोफोरनि समाव सांग्रां जानो थाखाय सोमोन्दे गोनां

राइज्यो सरकारफोरनि गेजेरजों सिगाडवनो गोनांथि जानाय बिथोनफोरखौ फोसावनांगौ। लोगोसे कभिडजों सोमोन्दे गोनां आखुफोरखौ सिफायनाय केसनि सायाव नायबिजिरनो थाखायबो सरकारआ थांखि लानांगौ। मख'नो गोनांदि, मिरु

सरकारआ राइज्योफोर आरो मिरुजों खुंजानाय राइज्योफोरखौ अनलाइन जथुमफोर, अनलाइनजों बायनाय आरो गोनांथि गैयालासे दावबायनायनिफ्राय जानगाराव थानो थाखाय गुबुन गुबुन राहाफोरखौ मिथिनानै लानो आरो बेफोरखौ

आजावनानैबो लानो थिनो। मिरु सरकारआ शनिबाराखालि राइज्योफोर आरो मिरुजों खुजानाय राइज्योफोरखौ बै मुलाम्फा लाग्राफोरनि सायाव नारसिन्नो थिनो, जायफोरा गावसोरनि भेक्सिनखौ सम जोबनायनि उनावबो नैथि ड्रप लायाखै।

## गल्ड मेडलिस्ट निरज चप्राया गाहाय मन्थि नरेन्द्र मदिखौ बाख्नायदौ

गोदान दिल्ली, 24 अक्टबर: टकिय अलिम्पिकआव ब्रन्ज मेडल देरहानाय भारतयारि हकी हान्जानि गेलेगिरि रुपिन्दर पाल सिंनि आजिर लानायाव गाहाय मन्थि नरेन्द्र मदिनिमि गांसे लाइजाम लिरहरदौ। गाहाय मन्थि नरेन्द्र मदिनिमि लिरहरनाय लाइजामनि सायाव जेभलिनु खुबैग्रा गल्ड मेडलिस्ट निरज चप्राया फिनजाथाय होदौ। निरज चप्राया ससेल मिडियाआव गाहाय मन्थि नरेन्द्र मदिखौ बाख्नायनानै गेलेगिरिफोरनि सायाव मान होनायनि सायाव गोचोन्नाय फोरमायदौ आरो मेचनि समाव आरो मेचनि उनावबो आरो आजिर लानायनि समावबो गाहाय मन्थिनु थुलुंगाखां होनायखौ बरायनानै बाख्नायो। निरज चप्राया रुपिन्दर पालनि इयुन समनि गोचोन्नि थाखाय गाहाम हामलायथि हरदौ। भारतयारि हकी हान्जाना



जापाननि टकिय रुपिन्दर पाल सिंआ गावनि अलिम्पिकआव 41 बोसोरनि उनावसो देरहासारनो हादौमोन। ब्रन्ज मेडल देरहानाय भारतयारि हकी हान्जानि गेलेगिरि डिफेन्डर रुपिन्दर पाल सिंआ हकीनिफ्राय आजिर लानायखौ फोसावबाय। पान्जानि थागिबि

दुबाइ, 24 अक्टबर: टी-20 वर्ल्ड काप सुपार 12 नि जागायजेनाय गिबि मेचआव साउथ आफ्रिकाया अस्ट्रेलियानि आखाइयाव जेनो। ग्रुप 1 नि बे मेचआव साउथ आफ्रिकाया गिबि बेटिं खालामनानै 20 अभाआव 9 उइकेट गोमानानै 119 राननि टोट होयो। केप्टेन बाभुमाया 12 रान, कुइन्टन डिककआ 7 रान, एडिन मारुमा 40 रान खालामनो हादौमोन। गुबुन फार्से बलिनि बिथिडव जेसन हेजलउडआ 4 अभाआव 19 रान होनानै 2 उइकेट, एडमजामपाया 4 अभाआव 21 रान होनानै सानै उइकेट आरो मिटसेल सिमकाआ 4 अभाआव 32 रान होनानै 2 उइकेट लानो हादौमोन। अस्ट्रेलियानि हान्जाना 119 राननि थांखिखौ होसोनायाव डेभिड वानारआ

## टी-20 वर्ल्ड काप: अस्ट्रेलिया आरो इंग्लेण्ड हाज्जाया देरहादौ



12 बलाव 14 रान, मिटसेल मार्सा 11 रान, स्मीथा 35 रान, ग्लिन मेक्सवेलआ 18 रान, माकसि सिट्ठिसआ 24 रान आरो मेटिड वाडआ 10 बलाव 15 रान लानानै हान्जाखौ देरहासारहोनो हायो। साउथ आफ्रिकानि बलिं बिथिडव एनरिस नरिजाआ 4 अभाआव 21 रान होनानै 2 उइकेट, काजिस रबादाया 4 अभाआव 28 रान होनानै 1 उइकेट आरो केसब महाराजआ 4 अभाआव 23 रान होनानै 1 उइकेट लानो हादौमोन। मख'जाथावदि, ग्रुप 1 हान्जायाव इंग्लेण्ड आरो अस्ट्रेलिया हान्जाया खेबफायै देरहानो हायो। गुबुन फार्से साउथ आफ्रिका आरो वेस्ट इन्डिज हान्जाया खेबफायै जेनो।

## प्रिमियर लीग: फिल पडेननि गरनै गलनि मदतजौ मन्चेस्टर सिटिया देरहादौ

ब्राइटन, 24 अक्टबर: शनिबारखालि गेलेनाय प्रिमियर लीगनि बादायलायनायाव मन्चेस्टर सिटिया ब्राइटन आरो हम एलबियनखौ 4-1 गलआव फेजेन्तो हायो। बे मेचआव मिडफिल्डर फिल पडेनआ गरनै गल सोनो हादौमोन। सिगानि मोन 7 मेचआव मन्चेस्टर सिटिया ब्राइटनखौ एग्रिगेट 21-2 स्करआव फेजेन्तो हादौमोन, नाथाय मोननै हान्जानि गेजेराव मे दानआव गेलेनाय मेचआव ब्राइटनआ मन्चेस्टर सिटिया 3-2 गलआव फेजेन्तो हादौमोन। सोलिफु सिजननि बादायलायनायाव ब्राइटनआ गोखौ गेलेनायखौ दिन्थिनो हादौब्लाबो मन्चेस्टर सिटिया आखाइयाव 4-1 गलआव जेनो। बे मेचनि गिबि हाफआव



इलके गुन्डगानआ 13 मिनिटआव आरो फिल पडेनआ फारियै 28 आरो 31 मिनिटआव गल सोनानै हान्जाखौ 3-0 गलाव आवगायनो हादौमोन। नैथि हाफआव रियाद माहारेसआ गलसे सोनो हायो, बेनिनो

ब्राइटननि गेलेगिरि माक एलिस्टरआ 81 मिनिटआव फेनालिट गल सोनो हादौमोन। जोबथा समाव 4-1 गलजौ मन्चेस्टर सिटिया देरहादौ हायो। बे मेचआव देरहानायनि गेजेरजौ मन्चेस्टर सिटिया खेब 9 मेच

## एटिपि फाइनाल बादायलायनायाव बाथि गेलेगिरि महरै एन्ड्रु रुबलेभआ



मस्क', 24 अक्टबर: फैगौ दानआव खुंजानो गोनां सिजननि जोबथा एटिपि फाइनाल बादायलायनायाव रासियानि एन्ड्रु रुबलेभआ बाथि गेलेगिरि महरै क्वालिफाइड जाबाय। टप 8 मेन्स सिंगल गेलेगिरि आरो डबल हान्जा गेलेगिरिफोरनि गेजेराव एटिपि फाइनालआ खुंफुंजागोन। रासियानि गेलेगिरिआ बेसेन गोनां बे

दुर्नामेन्टआव 2020 माइथायाव गिबि खेब बाहागो लादौमोन आरो नैथि खेबनि थाखाय फैगौ दानआव बाहागो लागोन। बेसेन गोनां बे दुर्नामेन्टआव क्वालिफाइड जानानै गोचोन्नाय मोन्दौ जेराव वर्ल्डनि टप 8 गेलेगिरिफोरनि गेजेराव बादायलायनाय जागोन आरो गेलेनायखौ नेनो हालो होनानै बिथाडा फोरमायो। एटिपि

बादायलायनायाव एन्ड्रु रुबलेभजौ लोगोसे वर्ल्ड नम्बर 1 नभाक जकभिच, रासियान आरो इउएस अपेन सेम्पियन दानिल मेडभेडेभ, ग्रीक स्टिफानस सिट्सिपास आरो आलेक्जेन्डर ज्वेरेभआ 14-21 नभेम्बरआव गेलेगोन। बिथाडा दासान्दि वर्ल्ड नम्बर 6 सारिआव दड, जेराव बिथानि सावसिन वर्ल्ड नम्बर मासिआ 5। इयलीनि मेटिड बेरिदिनि, नखेनि केसफार रुड आरो पलेण्डनि हुबार्ट हुरखासाबो एटिपि फाइनालआव क्वालिफाइड जानायनि लामायाव दड। स्पेनि 20 खेब मेजर काप देरहागिरि राफेल नाडालआ क्वालिफाइड 8 थि मासिआव दडमोन, नाथाय जोखोम जानायनि जाहोनाव बे सिजननि बादायलायनायनिफ्राय जानगराव थानाडे।

बलगना, 24 अक्टबर: एसि मिलाननि स्ट्राइकर ज्लाथान इब्राहिमभिकनि गिबि आरो नैथि हाफआव गल सोनायनि गेजेरजौ एसि मिलानआ बलगनाखौ 4-2 गलाव फेजेन्तो हायो। सिरि ए लीगनि बे मेचआव रफाइल लियाउआ 16 मिनिटआव आरो केप्टेन डेभिड कालाब्रियाआ 35 मिनिटआव गल सोनो हादौमोन। गिबि हाफआव 2-0 गलजौ एसि मिलानआ आवगायनो हायो। नैथि हाफनि 49 मिनिटआव ज्लाथान इब्राहिमभिकआ गोरोन्थिनि जाहोनाव अन गल जानाडे आरो बेनिनो 52 मिनिटआव मुसा बारआ गल सोनो हायो आरो 2-2 गलआव समान खालामनो हादौब्लाबो नैथि हाफनि 84 मिनिट आरो 90

दुबाइ, 24 अक्टबर: वर्ल्ड काप टी-20 नि मोनसे मेचआव इंग्लेण्डआ वेस्ट इन्डिजखौ गोरलैयै फेजेन्तो हायो। मख'जाथावदि, वेस्ट इन्डिजआ 2016 माइथायाव वर्ल्ड टी-20 बिमुंखौ देरहानो हादौमोन। बे मेचआव वेस्ट इन्डिजनि हान्जाया गिबि बेटिं खालामनानै 14.2 अभाआव 55 रान खालामनै अलआउट जादौमोन। वेस्ट इन्डिजनि जानानै क्रिस गेलआ 13 रान सेमरन हेटमायारा 9 रान आरो इभिनि लिबेसआ 6 रान खालामनो हादौमोन। मख'जाथावदि, बे रानआ टी-20 वर्ल्ड कापआव वेस्ट इन्डिजनि एसेल 'सिन रान। इंग्लेण्डनि गेलेगिरि फारियै एडिल राशिदा 4 इउकेट, मइन आलिआ 2 उइकेट लानो



हादौमोन। इंग्लेण्डआ नैथि बेटिं खालामनानै थांखिसिम 8.2 अभाआव सौहैनो हादौमोन। इंग्लेण्डनि जानानै जस वाटलारा 24 रान, जेसन रयआ 11 रान आरो जनि बियारसयआ 9 रान लानानै वेस्ट इन्डिजनि हान्जाखौ फेजेन्तो हादौमोन। किरन फलार्ड केप्टेननि दैदेनाय वेस्ट इन्डिज हान्जाया इंग्लेण्डनि गोखौ बलिं खालामनायनि गेजेरजौ गोरलैयै आउट जानादौमोन। 2016 माइथायनि वर्ल्ड टी-20 सेम्पियन वेस्ट इन्डिज हान्जानि लोरबां गेलेनायखौ बयबो क्रिकेट नायगिरिया सोमोनादौ जेराव दासिमाव वेस्ट इन्डिजनि हान्जाया बयनिखुइ बांसिन खेबनै वर्ल्ड टी-20 सेम्पियन जाबाय, नाथाय इंग्लेण्ड हान्जानि आखाइयाव गोरलैयैने जेनो गोनां जायो।



मिनटआव फारियै इसमेल बिन्नसेर आरो ज्लाथान इब्राहिमभिकआ गल सोनानै हान्जाखौ 4-2 गलआव

## सिरि ए लीग: एसि मिलानआ बलगनाखौ 4-2 गलआव फेजेन्तौ



देरहासारहोनो हादौमोन। मख'जाथावदि, बे मेचआव बलगनानि सानै गेलेगिरिफोर रेड कार्ड मोन्दौमोन जेराव गिबि

हाफनि 20 मिनिटआव एडामा सौमाउर आरो 58 मिनिटआव रबार्ट सरियान। रेड कार्ड मोन्दौमोन सानै गेलेगिरिआ गेलेनायनिफ्राय

हाफनि 20 मिनिटआव एडामा सौमाउर आरो 58 मिनिटआव रबार्ट सरियान। रेड कार्ड मोन्दौमोन सानै गेलेगिरिआ गेलेनायनिफ्राय